

經政志七

湖北通志卷四十九

蠲卹

漢和帝永元十三年秋八月荆州雨水詔以荆州比歲不節今茲淫水為害令半入田租芻橐有宜以實除者如故事十四年冬十月詔荆州今年淫雨水令被害什四以上皆半入田租芻橐其不滿者以實除之十五年春二月詔稟貸江夏貧民後漢書和帝紀

順帝永建二年春二月詔稟貸荆州流冗貧人所任安業之疾病致醫藥後漢書順帝紀

桓帝建和元年春二月荆揚二州人多餓死遣四府掾分行賑濟後漢書桓帝紀

晉惠帝元康四年秋八月赦上庸諸州之遭地災者五年荆州大水詔遣御史巡行振貸晉書惠帝紀

志四十九

經政七 蠲卹

一

孝武帝太元十九年秋七月荆州大水傷稼遣使賑卹之晉書孝武帝紀

宋文帝元嘉元年秋八月減荆湘二州今年稅布之半南史宋文帝紀

孝武帝大明二年秋九月襄陽大水遣使巡行賑贍宋書孝武帝紀

順帝昇明二年春二月蠲雒州緣沔居民前被水災者租布三年宋書順帝紀

齊明帝永泰元年春三月蠲雍州遇虜之縣租布南齊書明帝紀

東昏侯永元元年夏六月詔原雍州今年三調南齊書東昏侯紀

陳宣帝大建十二年冬十一月詔以夏旱傷農宣布惠澤其江陵等郡并正署即年田稅祿秩並各原半其丁租半緩至來歲秋登陳書高宗紀

隋高祖開皇六年春二月遣前工部尚書長孫毗振恤山南荆浙七州水隋書高祖紀

唐高祖武德五年正月賜荊州今歲田租唐書高祖紀

憲宗元和四年正月免山南東道今歲稅唐書憲宗紀

文宗太和五年荆襄鄂並水害稼請蠲秋租舊唐書文宗紀七年罷臨漢

監唐書食貨志案唐書裴度傳度白罷元和所置臨漢監收千馬納之校以善田四百頃還襄人

梁末帝貞明六年夏四月免均房襄隨等州應欠貞明四年終已

前夏秋兩稅詔所在官吏不得淹停制命徵督下民舊五代史本紀

宋太祖建隆二年閏三月房州饑振之宋史太祖紀乾德元年夏四月

減荆南囚罪死囚以下釋之配役人放還蠲三年以前逋稅及場

院課利管內文武官吏並依舊仍加恩立功者優其秩行營諸軍

厚賜之略獲生口各還其主六月詔荆南民願歸農者聽官為葺

舍給賜耕牛種食願留者分隸復郢州為剩員李燾續通鑑長編秋七月

詔免荆南管內夏稅之半二年冬十二月蠲歸峽二州秋稅宋史太祖紀

志四十九

經政七 蠲卹

二

紀五年秋七月蠲江陵等府州乾德三年逋租開寶五年春正月

詔罷荆襄道歲貢魚腊通鑑長編

太宗太平興國八年秋八月以大水故釋湖北死罪以下囚 淳

化三年夏四月詔荆湖吏民之配嶺南者還本郡禁錮 至道元

年春二月蠲襄均隨歸峽等州去年逋租振房州光化軍饑秋七

月除光化軍今年夏稅宋史太宗紀

真宗咸平二年荆湖旱遣使發粟振之三年荆湖旱振之景德二

年秋九月詔荆湖溪峒民為蠻人所掠而歸者勿限年月給還舊

產冬十二月荆湖北路饑遣使振恤三年春三月免隨州光化民

貸糧宋史真宗紀

仁宗天聖三年冬十一月襄州水蠲民租明道元年冬十月詔漢

陽軍發廩粟以振饑民皇祐三年秋八月遣使安撫荆湖饑民五

年秋七月詔荆湖北路民因災傷所貸常平倉米免償嘉祐元年

秋七月詔命湖北監司分行水災州軍振饑蠲租宋史仁宗紀

英宗治平元年鄂施州光化軍大水遣使行視疏治振恤蠲其賦

租宋史英宗紀

徽宗崇寧二年春正月以復荆湖疆土曲赦兩路政和六年秋七

月曲赦湖北宋史徽宗紀重和元年夏荆湖諸路大水民流移溺甚眾

分遣使者賑濟宋史五行志

高宗紹興元年蘄州旱詔免租二年蘄州饑命郡振粟萬石蘄州志

都督行府言荆南歸業之民以附近閒田予之免三年租稅宋史食貨志

三年夏四月詔湖北募民佃荒田蠲三年租四年秋九月蠲襄

陽等六郡三年租稅高宗紀五年春閏二月詔荆南府歸峽二州荆

門公安軍歲貢上供更與免二年用鎮撫使解潛請也建炎以來繫年要錄

志四十九

經政七 蠲卹

三

七年冬閏十月發米二萬石賑京西湖北饑民十二年秋七月蠲

湖北沿邊州軍免行錢十五年秋七月免鄂州舊額絹一年宋史高宗紀

二十一年春三月詔以州縣多催理積欠民間重困令戶部照

年分蠲放既而戶部請自紹興十一年至十七年荆湖等路諸邑

拖欠錢物除公吏鄉司等以上有力之家未納數外竝與放免從

之二十七年秋九月詔湖北等路諸州軍自紹興十四年至二十

七年合起內藏庫綢絹錢帛可竝與蠲免建炎以來繫年要錄三十年春三

月免湖北京西宣撫司諸庫未輸錢八十九萬緡冬十月蠲蘄黃

州民附種田租三十一年夏四月權減荆南上供錢銀絹絲米之

半用招填禁軍秋八月蠲京西湖北民秋稅之半高宗紀

孝宗隆興二年冬十月蠲京西湖北運糧所經州縣秋稅之半宋史

孝宗紀乾道閒江湖大旱流民北渡江薛季宣行淮西為表廢田相

原隰立二十二莊於黃州東北以戶授屋以丁授田頒牛及田器穀種各有差廩其家至秋乃止凡爲戶六百八十有五分處合肥黃州閒竝邊歸正者賑業之宋史薛季宣傳淳熙三年京西湖北諸州旱

振之四年春三月貸隨郢二州饑民米秋七月賑襄陽饑民孝宗紀

冬十一月漕臣郡守因鄂州南市火賑卹之文獻通考八年冬詔免湖

北等郡田賦身丁錢案以江浙常平使者朱子進對論荒政請蠲田賦身丁錢遂下詔湖北及浙東三十八郡

並免之京西湖北路水旱相繼發廩蠲租孝宗紀

光宗紹熙三年冬十一月賑襄陽府被水貧民四年春二月出米

七萬石賑江陵縣饑民夏六月振荆湖被水貧民宋史光宗紀

寧宗慶元四年春正月詔有司寬恤荆湖流民五年興國軍水振

之嘉泰四年冬十一月詔荆襄諸州值荒歉奏請不及者聽先發

廩以聞開禧元年京西湖北諸州水振之二年夏四月赦湖北京

志四十九

經政七 蠲卹

四

西被兵諸州減雜犯死罪囚釋流以下竝蠲今年租嘉定二年秋

七月蠲荆門漢陽軍民賦八月發米十萬石振兩淮饑民六年秋

閏九月詔湖北監司守令振恤旱傷十二年夏五月減荆襄湖北

各沿邊諸州雜犯死罪囚釋流以下仍蠲今年租賦十五年夏四

月詔蠲蘄州今年租賦宋史寧宗紀

理宗嘉熙元年春正月詔興國鄂州江陵境內流民其計口給米

期十日竣事以聞開慶元年夏五月詔湖北諸郡去年旱潦饑疫

令江陵諸州發米賑之仍嚴戢吏弊務令惠及細民景定元年春

二月賜鄂州戰守將士緡錢三千萬宋史理宗紀

度宗咸淳七年夏六月以隆暑給錢二百萬賜襄陽屯戍將士秋

八月以錢三百萬遣荆湖制置使李庭芝詣郢州調遣犒師八年

春二月以錢二百萬給犒襄郢水陸將士宋史度宗紀十年冬十月以

錢百萬給鄂州城屯戍將士

宋史瀛國公紀

元世祖至元元年十二月黃州地震蠲卹有差

元史五行志

八年夏四

月敕襄樊軍士每人月給米四斗十一年夏四月賜襄樊軍戰亡

之士計二百四十九人每家賜銀一百兩十二年秋九月以襄陽

官牛五千八百賜貧民冬十二月免江陵等處今歲田租二十七

年秋七月江夏水溢害稼六千四百七十餘畝免其租二十八年

夏六月敕以刺理海牙米七萬石賑湖廣饑

元史世祖紀

三十一年冬

十二月鄂州漢陽水免其田租

元史成宗紀

成宗元貞二年夏六月漢陽蝗發粟振之冬十二月蠲江陵沔陽

田租大德元年春三月免武當山新附軍徭賦二年春二月湖廣

省漢陽漢川水免其田租三年夏五月鄂州漢陽興國旱免其酒

課夏稅江陵沔陽路旱蝗弛其湖泊之禁仍竝以糧振之冬十月

志四十九

經政七 蠲卹

五

江陵沔陽隨黃旱免其田租十一月發粟振江陵四年春二月發

粟十萬石振湖北飢民五年秋九月免江陵門攤酒醋課九年春

二月免江淮以南租稅及佃種官田者十之二秋七月沔陽之玉

沙江溢振之十年夏四月漢陽饑振之秋七月武昌興國黃州等

處饑減直振糶米有差

成宗紀

十一年秋七月湖廣屬郡饑詔行省

發粟振之又於鹽茶課鈔內折粟遣官振之竝詔富家能以私粟

振貸者量授以官

元史武宗紀

武宗至大三年秋七月長林當陽夷陵宜城遠安諸縣水令尙書

省振恤之

武宗紀

至大四年秋七月江陵屬縣水民死者眾敕有司

振恤

元史仁宗紀

仁宗皇慶二年秋七月興國屬縣蝻發米振之延祐元年春三月

歸州饑出糧減價振糶夏四月武昌路饑命發米減價振糶六月

興國路饑發廩減價振糶秋九月武昌路水發廩減價振糶冬十二月沔陽饑發米振之二年夏五月興國武昌等路饑發廩振糶三年春正月漢陽路饑出米振之四年春閏正月襄陽民饑發廩振之三月德安府旱免田租仁宗紀

英宗至治元年春正月蘄州蘄水縣饑振糧三月秋九月安陸府漢水溢壞民田振之二年春正月襄陽等處饑發米三十九萬五千石振之夏五月免德安府被災民租元史英宗紀三年冬十二月歸

州饑振糶米二萬石元史泰定帝紀

泰定帝泰定元年冬十月武昌路江夏縣饑振糶有差二年秋七月德安府旱免其租三年春正月以湖廣官田賜民耕墾人三頃仍給牛具冬十一月沔陽府旱免其租四年夏五月江陵屬縣饑振糧有差六月興國路饑振糶有差泰定帝紀

志四十九

經政七 蠲卹

六

文宗天曆二年夏四月德安府屯田饑振糧千石冬十月湖廣武昌諸路旱饑出粟振之十二月蘄州路夏秋旱饑振米五千石武昌江夏縣火振其貧乏者二百七十戶糧一月黃州路旱免其租至順元年春正月中興路饑振糶萬石貧者仍贖其家三月以淮西廉訪司贓罰鈔振蘄黃路饑民其中興峽州歸州安陸沔陽饑戶共三十萬有奇各振糧四月夏五月武昌路饑以糧五萬石鈔二千錠振之秋閏七月荆門諸屬縣水詔以入粟補官鈔及勸率富人出粟振之二年秋七月興國路蟲傷稼漢陽屬縣水各免今年田租元史文宗紀

順帝至元三年春三月發義倉米振蘄州饑民至正五年春二月興國安陸等處饑振之元史順帝紀

明太祖洪武八年秋七月免蘄黃諸府被災田租九年三月詔湖

廣今年租賦悉免之冬十二月振湖北水災十年夏五月振湖廣水災戶部主事趙乾賑荆蕪遲緩伏誅冬十一月免湖廣田租二十三年冬十月振湖廣饑二十六年夏四月孝感饑遣使乘傳發倉貸之詔自今遇歲饑先貸後聞著爲令明史太祖紀

成祖永樂二年秋七月賑湖廣水災三年春三月免湖廣被水田租九年湖廣水遣使賑之十三年冬十二月蠲湖廣州縣水旱田租二十二年夏五月免湖廣郡縣水災田租明史成祖紀

宣宗宣德八年夏六月賑湖廣饑免稅糧九年秋八月賑湖廣饑敕官行視災傷蠲秋糧十之四冬十月湖廣饑賑濟明史宣宗紀

英宗正統元年冬十一月蠲湖廣被災稅糧凡免稅糧子粒六十餘萬石明史英宗前紀嘉慶志三年秋九月蠲湖廣逋賦英宗前紀四年夏廣濟

志四十九

經政七 蠲卹

七

張伯還出穀一千二百石振之嘉慶志六年秋七月振湖廣饑九年

夏六月振湖廣饑十年秋八月免湖廣旱災秋糧十一年秋八月

免湖廣被災秋糧英宗前紀十三年夏秋湖廣各屬大旱免秋糧屯糧

共四十萬石有奇嘉慶志

代宗景泰元年湖廣大饑免次年稅糧子粒十八萬八千四百七

十石嘉慶志

英宗天順三年秋八月免湖廣被災秋糧冬十一月振湖廣饑四

年夏六月免湖廣被災稅糧明史英宗後紀

憲宗成化三年秋九月振湖廣饑明史憲宗紀冬十二月荆襄安沔德

安黃陂大饑發附近倉糧及庫銀十萬一千兩賑之嘉慶志六年春

三月振湖廣被災稅糧九年振湖廣被災稅糧十年春三月振湖

廣被災秋糧十一年夏五月振湖廣被災秋糧十四年秋八月免

湖廣被災秋糧十五年春二月免湖廣被災秋糧夏五月免湖廣
被災稅糧十六年春二月免湖廣被災稅糧十九年春三月免湖
廣被災稅糧二十二年春二月免湖廣被災秋糧憲宗紀潛江大饑
遣侍郎畢亨行縣議賑募民出粟二千石者予官嘉慶志二十三年
春正月免湖廣被災稅糧憲宗紀冬十二月免湖廣被災稅糧明史
孝宗

孝宗弘治元年冬十月賑湖廣饑三年春二月戶部請免湖廣稅
糧從之七年免湖廣被災稅糧八年春三月免湖廣被災稅糧九
年秋八月免湖廣被災秋糧十二年夏四月免湖廣被災稅糧十
四年免湖廣被災稅糧十五年夏五月免湖廣被災秋糧十六年
秋九月賑湖廣被災軍民十七年冬十二月免湖廣被災秋糧十
八年夏四月刑部侍郎何鑑撫輯荆襄流民孝宗紀

志四十九

經政七 蠲卹

八

武宗正德三年夏五月安陸大饑興獻王發粟五千石賑之嘉慶志
冬十月南京工部侍郎畢亨賑湖廣饑五年春三月刑部尚書洪
鍾賑卹湖廣十一年冬十一月免湖廣被災稅糧十二年秋八月
副都御史吳廷舉賑湖廣饑十四年夏五月詔湖廣流民歸業者
官給廩食廬舍牛種復五年明史十五年春正月鍾祥以災免
武宗紀

稅糧嘉慶志

世宗嘉靖元年冬十月振湖廣災免稅糧有差五年秋八月賑湖

廣饑六年秋八月振湖廣水災明史七年夏湖廣大旱饑御史

張祿繪饑民十圖漢陽黃陂沔陽襄陽宜城以獻請內帑數萬緡

賑濟嘉慶志八年春二月賑襄陽饑秋九月振湖廣饑十一年春二

月免湖廣被災稅糧明史十四年秋七月蘄州大旱秋糧減免

命都御史發米二千四百九十八石賑之十五年春二月武昌大

水發倉糧及事例銀兩賑之十六年夏六月斬水旱蠲賦有差嘉慶

志十八年春三月車駕幸承天謁顯陵給復承天三年免湖廣明

年田賦五之二夏四月免被災稅糧二十三年秋九月賑湖廣災

三十九年冬十二月免湖廣被災稅糧世宗紀

穆宗隆慶元年秋九月免襄陽鄖陽被災秋糧三年冬免湖廣稅

糧四年秋九月免湖廣被災稅糧明史穆宗紀

神宗萬曆元年九月賑荊州承天災六年夏四月免湖廣逋賦十

一年夏六月振承天漢陽鄖陽襄陽災十二年冬十月免湖廣被

災稅糧十八年夏四月振湖廣饑二十一年振湖廣饑二十三年

冬十一月湖廣災蠲賑有差二十九年春正月以播州平蠲湖廣

加派田租逋賦明史神宗紀三十三年秋九月免承天旱災田稅及改

折屯田子粒有差嘉慶志三十七年秋湖廣旱冬振饑民明史神宗紀

志四十九

經政七 蠲卹

九

熹宗天啟元年秋九月免承天災傷田租五年秋九月免鍾祥災

傷田租嘉慶志

莊烈帝崇禎十一年春三月湖廣兵荒兵部郎中鄧謙奏之詔蠲

舊欠秋糧十五年夏五月詔免湖廣歷年舊欠秋糧同上

清順治二年奉恩詔地畝錢糧自順治元年五月初一日起按畝

徵解凡加派遼餉新餉練餉召買等項悉行蠲免其大兵經過地

方仍免正糧一半歸順地方不係大兵經過者免三分之一各省

起從拖欠本折錢糧如金花夏稅秋糧馬草人丁鹽鈔民屯牧地

竈課富戶門攤商稅漁課馬價柴值棗株鈔貫果品及內供顏料

蠟茶芝蔴綿花絹布絲綿等項自順治元年五月初一日以前凡

未經徵收者盡行蠲免漢陽府志九年夏五月武昌等府各屬大旱

蠲免本年錢糧十之六嘉慶志十一年春三月蠲免六七兩年地

畝人丁本折錢糧積欠

湖南通志

十二年蠲免八九兩年地畝人丁

本折錢糧

十四年夏黃州府旱發穀以賑

十五年漢陽安陸

賑卹災民有差秋免漢陽府屬淤洲銀水租銀二百四十兩

六年漢陽饑有司賑穀

十七年蠲免順治十二年至十五年未

完錢糧

十八年夏五月武昌等十縣旱賑卹有差

均嘉慶志

康熙元年蠲免湖北順治十五年以前未徵錢糧

湖南通志

秋武昌黃

州早有司賑卹沔陽鍾祥水蠲免本年錢糧十之三

二年夏武昌等十四州縣俱大水蠲免本年錢糧十之一冬十月興國大水

知州楊遵發穀賑之

三年春官兵勦西山賊李來亨等州縣役

民夫運米多有死者至是賊平蠲免各縣丁錢糧蒲圻等五州

縣水蠲免本年錢糧十之三

四年秋蒲圻大稔蠲賦穀賤如泥

農民苦之蠲免本年田賦十之一

經政七

十

卹

六年夏黃州郡縣旱賑卹

七年秋漢陽等四州縣水蠲賦

有差

均嘉慶志

九年夏四月應城水災知縣樊司鐸呈請撫卹

十年蠲卹康熙六年以前地丁錢糧秋武昌等八縣旱免本年

錢糧十之三

十二年黃州府屬旱蠲賦有差

十三年秋漢陽

均嘉慶志

十四年動支積穀賑饑民萬餘

漢陽府志

十五年秋武昌等十二州縣俱大水蠲本年之賦十之三

十六年夏鄖縣鄖西大饑發賑豁免沔陽無徵銀七千二百三十二兩

十七年沔陽州夏秋俱大水蠲免田租十之三

十八年江夏

等十五州縣俱大旱蠲賦十之三

二十年夏沔陽等五州縣俱

大水蠲田租十之三

二十四年蠲賦先於二十三年奉詔湖廣自用兵以來供應煩苦宜加恩恤二十四年所運漕糧著免三分之一江夏等十六州縣水賑穀一萬三千十五石有奇

年蠲賦先於二十四年奉詔蠲免湖北二十五年錢糧一半其二十四年錢糧全行蠲免 二十七年奉上諭豁免康熙十七年以前民欠漕項銀兩米麥有差 二十八年蠲免湖北地丁錢糧及

驢脚南米十分之三均嘉慶志免武漢黃德四府以裁卒變亂經過用

兵之地正賦雜稅全蠲又是年應城大旱知縣齊國政申報災荒

督撫具題奉旨漕米緩徵南米蠲三分之一冊檔 二十九年旱災

蠲免湖北錢糧之半黃州府志武昌等三十五州縣饑賑穀共八萬二

百二十八石有奇又米九萬五千八百五十六石有奇 三十年

十二月蠲免湖廣應輸漕米一年 三十一年蠲免漢陽府屬漕

糧 三十二年黃岡等六州縣旱蠲賦共二萬四千六百二十一

兩有奇 三十三年黃岡等州縣旱賑穀共十一萬八千五百六

十四石有奇 三十五年秋八月監利水蠲免銀九千三百六十

志四十九

經政七 蠲卹

一兩有奇米一千一百七十一石有奇穀二萬五千九百五十石

有奇 三十六年潛江沔陽等五州縣並荆州荆左荆右沔陽等

衛饑賑穀共八萬四千八百四十五石有奇 三十八年奉詔停

匠班無徵銀款歸入地丁帶徵湖廣總督年遐齡奏湖北武昌漢

陽黃州德安安陸襄陽荆州等七府應徵匠役班價等銀千餘兩

自明季迄今年代久遠子孫遷徙亡絕闕額無徵有司或代為捐

解或派累小民官民交困查浙江二省因匠班無徵歸地丁帶徵

湖北事同一例請自康熙三十九年為始亦歸地丁徵收每畝加

增絲毫而賦無闕額官民俱免賠累部議從之夏沔陽水蠲賦五

千九百五十八兩有奇秋鍾祥等八州縣並武昌等三衛所大旱

賑穀八萬六千八百九十九石有奇均嘉慶志應城縣因去年秋旱蠲

免本年地丁銀六百五十四兩一錢有零民戶及更名銀照應免

分數扣算

應城志

三十九年奉諭本年湖廣全省地丁銀概行蠲

免

宜昌府志

四十一年沔陽水蠲賦六千八百二十石有奇賑穀一

萬五千四百八十九石有奇 四十二年潛江等四州縣並沔陽

衛水蠲賦共二萬四千七百二十二兩有奇賑穀共五萬六百九

十五石有奇 四十三年漢川等五州縣並沔陽衛水蠲賦共四

萬一千七百八十四兩有奇賑穀共七萬五千八百四石有奇

均嘉志

四十四年詔令湖北康熙四十五年除漕糧外其餘地丁錢

米一概免徵舊欠未完者並停輸納

荆州府志

江夏等九州縣並沔陽

等四衛水蠲賦共三萬七千六百六十七兩有奇賑穀共九萬八

千二十石有奇 四十五年蠲免康熙四十三年以前積欠錢糧

漢川等十一州縣並沔陽等三衛饑賑穀共九萬三千三百六十

二石有奇 四十七年江夏等十一州縣並武昌等四衛水旱蟲

志四十九

經政七 蠲卹

三

鼠災蠲賦共四萬二千六百四兩有奇賑穀共十七萬三千二百

九十二石有奇 四十八年漢陽等十州縣並武昌荆左二衛水

蠲賦共四萬二千九百五十五兩有奇賑穀共十八萬二千一百

八十七石有奇 五十年湖北地畝人丁應徵銀兩並歷年舊欠

全行豁免一次

均嘉志

五十一年冬十月全免湖廣地丁銀糧並

歷年舊欠共銀一萬九千六百八十三兩有奇

鄖陽府志

五十二年

蠲免湖北地丁錢糧 五十三年嘉魚等十四州縣並武昌等六

衛水旱災蠲賦共二萬六千四百九兩有奇賑穀共八萬七千五

百石有奇 五十四年江夏等五州縣並武昌等二衛水蠲賦共

一萬六千九百七十六兩有奇賑穀共五萬二千二百二十七石

有奇 五十五年江夏等十二州縣並沔陽等三衛水蠲賦共五

萬三千八百三十三兩有奇賑穀共二十一萬二千八百二十二

石有奇 五十六年夏六月蠲免湖北帶徵地丁屯衛銀 五十七年夏鍾祥等十州縣並武左等衛皆旱蠲賦共五萬六百二十一兩有奇賑穀共十三萬七千五百石有奇 五十九年蒲圻漢陽漢川沔陽石首等五州縣水蠲賦共一萬八千七百兩有奇賑穀共六萬六千三百四十二石有奇均嘉慶志 六十年恩詔民欠錢糧其年久應免者奏明候旨豁免湖南通志

雍正二年夏潛江等四縣水蠲賦共一萬八千四百四十四兩有奇 三年秋沔陽州衛水蠲賦共六千五百五十五兩 四年江夏等十二州縣並武昌等六衛大水蠲賦共五萬三千七十一兩有奇賑米共三萬九千七百二十六石有奇蘄州江水浸田每糧一石免銀三分零 五年武昌安陸荊州等府大雨潰隄咸寧等九州縣並武昌荊州二衛俱被災蠲賦共四十三萬一千四十六

志四十九

經政七 蠲卹

三

兩均嘉慶志黃梅水災奉旨動用倉穀減價平糶並本年錢糧全行蠲免其已完納者準作六年應完之項黃州府志江陵監利二縣夏水災蠲免錢糧共一萬八千七百一十九兩二錢二分有奇米共三千七十一石有奇穀共一萬六千八百七十五石八斗有奇荊州府志八月發帑銀二萬兩賑卹又動支買穀備用之銀六萬兩於應用之州縣分給賑卹冊檔 八年春蠲免湖北錢糧四十萬兩秋八月詔停沔陽民欠徵催湖廣總督邁柱奏沔陽錢糧自康熙五十五年至雍正四年積欠銀八萬九千二百餘兩里民一聞清查爭先完納其實在民欠乞與一年之限分作三次徵收以紓民力有官侵役蝕包攬未完者請暫緩究治一年照完逾限治罪諭曰清查積欠原以地方貪官污吏及不法衿棍借民欠之名恣意侵蝕不得不清釐懲治今果查出沔陽州侵蝕包攬銀三萬餘兩而里民之

閒有拖欠者因地近水常有滂溢力量未免不敷竝非有意頑抗俟冊到日酌量豁免令即停止催徵其侵蝕包攬者照所請辦理

九年春三月湖廣總督邁柱遵旨將沔陽一州實在民欠錢糧

銀三萬二千餘兩分晰造冊具奏奉旨從寬豁免名臣列傳秋八月沔

陽水蠲賦一萬五千四百有奇 十年冬十二月停湖北收捐貢

監穀石以平米價均嘉慶志

乾隆元年奉諭蠲除軍田額外加徵夏四月奉詔蠲除太和山香

稅又漢川江陵二縣竝武左等三衛水蠲賦共二萬七千六百三

兩三錢七分零免南糧四千一百二十一石二升零沔陽水蠲賦

一萬三千九百二十六兩賑米三萬六千二百四十九石冬十月

奉諭自二年為始全行豁免江夏等十九州縣重丁銀兩 二年

夏五月漢川等五縣水蠲賦及南米有差均嘉慶志 三年正月定施

志四十九

經政七 蠲卹

古

南賦額奉諭乾隆二年未完秋糧一併豁免施南府志三月豁免沔陽

雍正十三年乾隆元年兩年未輸逋賦秋七月孝感等五縣竝襄

陽衛旱蠲賦共六千二百九兩九錢二釐零免南米折徵銀三十

七兩四錢八分六釐黃豆一石七斗四升零 四年秋漢陽等三

縣竝黃州衛旱蠲賦共七千二百五十二兩三錢一分零免南米

一千一百七十七石六斗七升零 五年秋鍾祥等三縣竝武昌

等衛水蠲賦共二千七百二十兩三錢六分零免南米二百二石

一斗六升零黃豆一石三斗九升零 六年秋沔陽天門二州縣

竝沔陽衛水蠲賦共八百八十五兩六錢六分零免南米七十六

石八斗九升零 七年江夏等二十州縣竝武昌等六衛夏秋水

災蠲賦共九萬四百二十三兩八錢三分零免南米共九千九百

九十九石六斗五升零賑穀共五十一萬三千九百九石零 八

年興國黃岡二州縣水蠲賦共一百五十兩五錢八釐零免南米三十八石一斗三升零興國吉口等里並黃岡庶安等鄉地方被山水沖壓難以墾復田地所有應徵秋糧米共二十五石六斗二升零麥三斗八升零條餉等銀共一十八兩三錢二分九釐以是年爲始照數開除 十年奉諭蠲賦湖北輪於戊辰年全行蠲免一次潛江等九州縣並沔陽等四衛夏秋水災蠲賦共六千六百九十三兩五錢八分有奇當陽一都等里並荊州衛下百里洲班鳩灘等地方被蛟水沖塌民田地共一十三頃七十三畝六分二釐零應徵糧麥共一十六石三斗一合零條餉等銀一十五兩九錢一分零以是年爲始照數開除 十一年潛江等六州縣並沔陽荊左二衛秋水災蠲賦共七千四百五十三兩八錢二分零免南米共八百六石三斗五升零賑穀共十萬八千四十九石二斗

六升零 十三年漢川等六州縣並荊州衛秋水災蠲賦共三千九十三兩七錢三分零免南米共三百二十二石一斗三升零十四年沔陽等四州縣並沔陽等二衛夏秋水災蠲賦共四千五百九十九兩九錢三分零免南米共五百二十六石五斗四合三勺零賑穀共十三萬四千一百七十六石一斗二升零 十七年鍾祥等十六州縣並武昌等五衛水蠲賦共二萬九千八百九十六兩八錢二釐零黃豆南米及鄖縣本色秋糧米麥共三千三百一十石一斗三升零 十八年潛江等三州縣並沔陽衛本年錢糧分別蠲緩賑穀共一十一萬一千二百五石八斗零蘄州水漂民居有司發賑凡瓦屋一間銀五錢草屋一間銀三錢 二十年春三月蘄州大風爲災詳請賑卹有差 二十一年潛江等五州縣並荊州荊左二衛水蠲賦共六千六百七十九兩八錢五分五釐

零免南米共八百八十四石二斗六升三合零賑穀二萬一千七百三十八石八斗六升五合零 二十六年潛江等七州縣並沔陽等四衛水蠲賦共五萬二千三百四兩九錢九分零免南米共五千九百八十三石二升一合零賑穀共七十萬一百五十石五斗三升零 二十八年沔陽天門二州縣並沔陽衛水蠲賦共一千三十七兩二錢四分零免南米共一百一十九石七斗一升零 二十九年漢陽等七州縣並武昌等五衛水蠲賦共三萬一千九百三十四兩五錢八分零免南米共四千八百五十四石二斗四升零賑穀共五十六萬八千八百八十二石九斗六升 三十一年奉諭全行蠲免漕糧一次 三十二年江夏等十三州縣並武昌等七衛水蠲賦共四萬九千四百八十五兩五錢六分五釐零免南米共八千九百五十六石三斗五升九合零賑穀共一百

志四十九

經政七 蠲卹

六

二萬七千九百七十五石二斗六升五合 三十三年孝感等五縣並武昌等三衛所旱蠲賦共四千八百三十六兩五錢六分一釐免南米共五百五十五石九斗八升五合零賑穀共二十三萬八千七百八十九石三斗六升五合均嘉慶志黃州水災賑饑捐免地丁南漕銀米有差黃州府志 三十四年兵行經過地丁錢糧蠲免十分之三鍾祥縣志江夏等十四州縣並武昌等六衛水蠲賦共四萬三千九百三兩九錢一分三釐免南米共七千四百六十二石四斗一升三合零賑穀共九十八萬三千六百三十六石七斗八升嘉慶志 荆州府屬水被災者借給籽種口糧荆州府志 冬十二月蠲免次年地丁錢糧十分之二 三十五年奉諭蠲免地丁錢糧一次 三十九年漢陽孝感等十五州縣衛所旱賑穀共一百二十四萬五千七百一十石九斗五合 四十年京山等六州縣及屯坐六州

縣之武昌等四衛於例賑外各加賑一月 四十二年奉諭蠲免地丁錢糧一次 四十三年冬十月奉上諭蠲免漕糧一次是年江夏等三十一州縣並武昌等九衛所夏被旱災蠲賦共一十七萬七千三百九兩八錢二分七釐免南米共二萬一千二百八十一石四斗九合三勺豆九石三斗一升一勺賑穀共五百二十六萬九千四百一十三石三斗三升 四十四年春正月江夏等十州縣及九衛所夏禾被旱入秋江漲水淹於正賑畢加賑一月口糧冬十一月蠲緩潛江五州縣帶徵銀米 四十五年沔陽等五州縣並沔陽等三衛水蠲賦共一萬七千三百八十三兩三錢三分八釐免南米二千六百八十三石二斗一升二合賑穀共四十六萬九千二百八十九石四斗六升 四十六年潛江等五州縣並荊州等三衛水雲夢應城二縣並武昌等三衛旱賑穀共一百一萬二千五百一十七石三升五合 四十七年春正月潛江江陵監利荊門等州縣及屯坐荊州荊左二衛加賑一月以資接濟又江夏等十三州縣並荊州等六衛所水蠲賦共四萬九千九百七十六兩三分五釐免南米共六千六百九十五石五斗四升八合雜糧四石七斗八升九合賑穀一百一萬二千五百五十七石三升五合 四十八年江夏等四縣並武昌等三衛水蠲賦共二萬四千二百一十兩九錢九分四釐免南米共五千八百九石八斗一升七合賑穀共二十九萬三千七百八十九石七斗一升 四十九年春正月黃梅廣濟二縣展賑一月 五十年江夏等四十七縣並武昌等十衛所旱蠲賦共三十八萬四千一百五十六兩八錢九分八釐南糧折徵銀八千四百一十二兩八錢二分二釐免南米共四萬三千二百三十二石七斗七升四合四勺秋

糧一百五十四石三斗二升八勺雜糧一十五石一斗七升三合八勺賑穀共八百九十六萬六千八百六十石二斗二升因湖北荒歉奉旨特發帑金五百萬賑卹均嘉慶志五十一年春二月諭上

年湖北江夏等州縣竝武昌等衛因旱暵成災現屆東作方興青黃不接所有成災七八九十分之江夏武昌咸寧等縣著加恩於

正賑散畢後再行展賑一月咸寧志五十三年夏六月江夏等十

五州縣竝武昌府九衛水蠲賦共七萬八千八百三十四兩九分

六釐南糧折徵銀一千六百八十六兩六分五釐免南米共九千

二百七十四石四斗七升一合三勺賑穀共一百五十四萬九千

二百八十七石九斗五升五合江陵等十州縣本年應徵漕糧蠲

緩作兩季帶徵松滋江夏蠲緩作一年帶徵五十四年夏安陸

之潛江荊州之監利江陵三縣竝荊州荆左二衛被水成災蠲賦

志四十九

經政七 蠲卹

共二萬三百三十四兩八錢六分五釐免南米共三千六十四石

一斗四升三合八勺賑穀共三十九萬四千六百四十七石三斗

三升六合五十六年夏大水蠲免沔陽荊州荆左荆右等四衛

銀一萬五千四百五十八兩七錢二分九釐又官役俸工等一千

二百八兩四錢冬十一月漢陽火奉旨優卹五十八年蠲免武

昌武左黃州蘄州襄陽德安六衛所起軍屯餉丁糧存留俸工等

項銀三萬一千七百三十七兩三錢六分八釐又蘄州衛馬餉銀

六兩五錢五十九年奉諭蠲免六十年漕糧一次秋安陸之京

山潛江天門荊州之江陵監利竝荆左荆右沔陽三衛水賑濟穀

折銀一十二萬一千五百五十七兩三錢八分五釐六十年奉

諭蠲免嘉慶元年地丁錢糧一次又蠲免荆門州之馬上一等九

圖潛江縣之長一等二十九院天門縣連魚圖三十七院沔陽州

之小莊等二十九院本年應徵錢糧

均嘉慶志

嘉慶元年春正月恩詔普免案內先儘乾隆六十年被水勘不成災之沔陽潛江天門荊門四州縣同軍需衝道荊州府屬之江陵公安石首監利松滋枝江宜都等縣荊州荊左荊右三衛襄陽府屬之襄陽宜城南漳棗陽穀城光化均州等州縣暨附近苗疆施南府屬之恩施宣恩來鳳咸豐利川建始竝宜昌府屬之鶴峯長樂等州縣共計二十九州縣衛共蠲銀三十六萬一千三百三十七兩三錢一釐作為首次於是年蠲免又蠲緩江夏武昌嘉魚蒲圻咸寧漢陽漢川孝感黃陂沔陽黃岡蘄水黃安蘄州廣濟黃梅安陸雲夢應城隨州應山鍾祥京山潛江天門襄陽宜城南漳棗陽穀城光化均州江陵公安石首監利松滋枝江宜都鄖縣房縣竹山竹谿鄖西保康四十五州縣地丁錢糧蠲免鍾祥宜城南漳

志四十九

經政七 蠲卹

九

穀城光化均州房縣竹山竹谿保康當陽遠安枝江宜都東湖歸州長陽興山長樂來鳳等二十州縣地丁錢糧夏五月蠲免枝江等三十三州縣本年應徵錢糧蠲緩潛江天門江陵松滋宣恩等五縣錢糧

嘉慶志

六月諭湖北教匪滋事被賊擾累著再加恩將湖

北來歲應徵錢糧俱行豁免

咸寧縣志

秋七月蠲免荊門當陽遠安東

湖歸州長陽興山巴東鶴峰長樂恩施宣恩來鳳咸豐利川建始等州縣應徵各款正項及耗羨雜課錢糧漢陽之沔陽安陸之潛江天門荊門州荊州之江陵公安石首監利松滋等州縣並武昌沔陽荊州荊左荊右等五衛被成災賑濟銀共八十七萬三千九百八十六兩八錢六分一釐八月蠲免孝感宣恩二縣本年地丁錢糧蠲緩漢川黃陂雲夢應山四縣本年應徵錢糧初六日奉諭蠲緩本年應徵漕糧又蠲免荊門州被賊被水錢糧四次又蠲緩

孝感隨州鍾祥京山襄陽宜城南漳棗陽穀城光化均州鄖縣房縣竹山竹谿鄖西保康當陽遠安枝江宜都東湖歸州長陽興山巴東鶴峯長樂恩施宣恩來鳳咸豐利川建始等三十四州縣應彙同被水之漢川沔陽潛江天門江陵公安石首監利松滋等州縣以上共四十三州縣應以嘉慶元年三年共蠲免三次又未經被賊被水江夏武昌嘉魚蒲圻咸寧崇陽通城興國大冶通山漢陽黃陂黃岡蘄水羅田麻城黃安蘄州廣濟黃梅安陸雲夢應城應山等二十四州縣應於二年三年蠲免二次蠲緩江夏嘉魚應徵本年秋冬及乾隆六十年尾欠錢糧撫卹孝感戶口賑濟穀折銀五千二百三十五兩蠲免武昌武左沔陽安陸荊州荊左荊右襄陽等衛所屯坐地方被擾被水官役俸工等銀二千二百三十六兩四錢六釐又蠲免武昌武左德安等衛所復被滋擾緩徵銀三千三百一兩九錢三分三釐又蠲免武昌武左荊州荊左荊右德安襄陽等衛所先後滋擾緩徵銀二千八百三十三兩五錢二分三釐 二年春正月恩詔普免案內江夏咸寧蒲圻興國漢陽漢川黃岡蘄水廣濟黃梅安陸雲夢應山鄖縣東湖當陽等十六州縣並武昌武左沔陽黃州蘄水五衛共蠲銀三十六萬三千九百一十二兩四錢六分七釐於是年蠲免蠲免武昌等各衛所存留官役俸薪工食銀二千八百三十五兩六錢六釐又蘄州衛馬餉銀六兩五錢另於民賦司總冊內造報蠲免武昌武左德安襄陽荊州荊左荊右七衛所屯坐被擾各州縣地方緩徵銀三千三百一十九兩七錢一分八釐蠲緩武昌蒲圻咸寧崇陽通城興國大冶通山漢陽黃岡蘄水羅田麻城黃安蘄州廣濟黃梅安陸應城等十九州縣應徵錢糧撫卹黃安宜都二縣回籍戶口賑濟

穀折銀共一萬三千九百五十九兩五錢五分又給修房屋銀共三千六百七十五兩六錢夏五月賞給隨州鍾祥京山孝感襄陽宜城棗陽鄖西八州縣籽種口糧閏六月撫卹枝江縣回籍難民除撥賑江西米一千石又穀折銀二千六百四十九兩給修房屋銀一千九十九兩六錢秋九月撫卹鍾祥京山二縣回籍戶口難民賑濟本色米一萬五千石穀折銀共七萬一千八百七十六兩一錢二分五釐又給修房屋銀一萬八千二百一十三兩三錢又荊州之江陵監利荊門之當陽等縣並荊州荊左荊右三衛被旱乏食賑濟銀二千三百七十四兩九錢五分鍾祥襄陽宜城南漳穀城均州鄖縣房縣竹山竹谿保康荊門當陽遠安東湖歸州興山巴東等十八州縣及長陽長樂恩施利川建始等五縣普行給賑三月並予房屋修費歸州奉恩詔加賑三月共穀折銀二千五

百八十四兩一錢三分五釐給修房屋銀二百九十六兩九錢冬十月撫卹襄陽宜城棗陽二縣並襄陽衛回籍難民賑給本色米共五萬一千五百三十八石五斗二升二合五勺穀折銀共十二萬八千二百五十五兩八錢五分七釐五毫給修房屋銀共三萬二千二百四十八兩房屋賑濟穀折銀六千三百一兩一錢九分五釐給修房屋銀三千五百三十六兩六錢 三年春正月恩詔普免案內武昌嘉魚崇陽通城大冶通山孝感黃陂羅田麻城黃安蘄州應城隨州鍾祥京山房縣竹山竹谿鄖西保康遠安歸州長陽興山巴東等二十六州縣並德安襄陽二衛所共蠲銀三十六萬五十九十二兩四錢八分一釐作為三次於是年蠲免蠲免武昌等十衛所起存正項共四萬一千一百九十六兩一錢一分六釐均州初被滋擾賑濟穀折銀二千八百四十七兩一錢又給

修房屋銀一千四百二十五兩三錢鄖西縣賑濟穀折銀九千五百七十八兩一錢二分又給修房屋銀四千六百二十八兩八錢當陽來鳳二縣賑濟本色米共八千一百六十九石三斗又當陽賑濟穀折銀三千八百九十八兩七錢七分七釐五毫又給修房屋銀共三千三十七兩一錢三月撫卹隨州戶口賑濟穀折銀三萬三千五百九十五兩八錢六分六釐又給修房屋銀一萬二千六百三十六兩七錢撫卹應山縣戶口給修房屋共銀二萬五千六百五十一兩二錢六分 四年春正月蠲免武昌武左德安襄陽荊州荆左荆右七衛所春徵銀八千一百二十二兩四錢七分一釐又襄陽荊州二衛夏秋冬應徵銀一千二百四十七兩三錢三分二釐蒲圻崇陽二縣給修房屋銀共四百五十八兩七錢撫卹鍾祥縣三年被擾復業居民賑濟穀折銀一萬四千二百八十九兩六錢一分七釐五毫又給修房屋銀三千五百九十六兩四錢二月襄陽宜城南漳穀城光化均州六州縣賑濟本色米共四千二百七十七石九斗穀折銀共六千八百六十九兩九錢八分給修房屋銀共五千二百六十一兩六錢襄陽衛屯坐宜城南漳穀城賑濟穀折銀一千二百三十二兩又給修房屋銀七十兩保康縣連年被擾賑濟穀折銀一千六十兩八錢八分又給修房屋銀六百三十三兩五錢三月鄖縣房縣竹山連年被擾賑濟穀折銀共六千二百三十一兩一錢一分一釐給修房屋銀共三千九十七兩七錢荆門州竝屬當陽遠安二縣賑濟湖南撥款米七千石穀折銀三萬三千一十三兩七錢七分五釐內當陽動支被旱賑剩米一千七百六石七斗穀折銀五千六百五十三兩一錢五分五釐給修房屋銀四千三百七兩一錢遠安穀折銀五千五百

九十九兩八錢八分給修房屋銀一千四百九十四兩六錢均嘉慶志

又於詳明案内題準照數開除各屬冲塌挖壓豁免正賦額徵銀

二千七百二十五兩三錢一分八釐及漢川縣沔陽院民賦減免

銀九十二兩一錢三分四釐又江夏縣新溢屯等處挖壓坍塌地

糧豁除銀五十八兩三錢四分三釐又淤田被水冲等事案内題

咨準江陵縣豁減銀七十三兩一錢四分八釐嘉慶志冬十一月蠲免

乾隆六十年以前積欠緩徵地丁耗羨及民欠籽種口糧漕項銀

兩又積欠緩徵地丁民借米穀草束等項銀兩嘉慶志五年正月諭

湖北荆門潛江等州縣上年因漢水陡漲隄墜多有漫缺民田閒

被滯淹著加恩將潛江天門荆門三州縣被水各處軍民賞借一

月口糧並按田酌借籽種俾得益資接濟仁宗睿皇帝聖訓六年淤田

廢糧懸等事案内題準監利縣挖壓坍塌田地豁減銀五百七十

志四十九

經政七 蠲卹

三

三兩六錢九分八釐嘉慶志七年春三月諭湖北省被賊地方歷年

應徵錢糧俱經節次施恩分別蠲緩現在大功將竣誠恐民力尙

有未紓著加恩將被賊較重之鄖陽東湖巴東等十州縣本年應

徵地丁正耗錢糧全行蠲免其被賊次重之襄陽宣恩來鳳咸豐

利川等二十州縣本年應徵地丁正耗錢糧蠲免十分之五其被

賊較輕之京山恩施建始等十二州縣本年應徵地丁正耗錢糧

蠲免十分之三東華續錄夏六月潛江公安水撫卹一月口糧賑濟江

陵監利松滋等縣各都院軍民一月口糧潛江被水較重賑濟銀

一萬二千八百一十四兩四錢二分五釐江陵被水乏食賑濟銀

二萬六千四百九十四兩二錢公安監利被水賑濟共銀一萬五

千四百三兩二錢七分五釐松滋夏秋二汛被水賑濟銀六千九

百二十四兩六錢荆州荆左荆右三衛被水賑濟災軍銀共一萬

八千四十六兩三錢五分秋八月蠲緩被水被旱之漢川潛江江陵公安監利松滋等六縣一切應徵各款銀兩又江夏嘉魚咸寧崇陽通山漢陽孝感黃陂安陸雲夢應城等十一縣本年秋徵地丁銀兩及應行帶徵節年錢漕應完本年漕南二米又武昌蒲圻興國大冶黃岡蘄水羅田麻城黃安蘄州廣濟黃梅荊門等十三州縣緩帶節年錢漕等項又蠲緩沔陽州本年及節年緩帶錢漕

八年春正月奉恩詔蠲免江夏嘉魚咸寧漢陽漢川孝感黃陂沔陽安陸雲夢應城鍾祥潛江天門荊門江陵公安監利松滋等十九州縣民屯正耗錢糧二分又武昌蒲圻崇陽通城興國大冶通山黃岡蘄水羅田麻城黃安蘄州廣濟黃梅隨州應山京山枝江等十九州縣民屯正耗錢糧一分三月蒲圻崇陽黃陂孝感黃安安陸應城隨州應山鍾祥京山襄陽宜城南漳棗陽穀城光化

志四十九

經政七 蠲卹

古

均州鄖縣房縣竹山竹谿鄖西保康荊門當陽遠安江陵枝江宜都東湖歸州長陽興山巴東鶴峯長樂恩施宣恩來鳳咸豐建始等四十二州縣被賊滋擾地丁錢糧全行蠲免江夏嘉魚咸寧通城漢陽漢川沔陽黃岡麻城雲夢潛江天門公安石首監利松滋等十六州縣近賊滋擾蠲免十分之五其未經被賊近賊之武昌興國大冶通山蘄水羅田蘄州廣濟黃梅等九州縣俱蠲緩以八年爲始分作三年帶徵冬十一月蠲緩興山巴東本年錢糧均嘉志九年七月諭內閣前據全保奏報湖北荊門等州縣隄院閒被漫淹當經諭令該撫確查具奏除荊門江陵二州縣積欠錢糧業經全行豁免漢川沔陽潛江天門監利五州縣積欠錢糧俱經分年展緩外所有漢川沔陽天門三州縣同區分轄之七十二院竝該院屯坐各衛被水地畝本年秋徵地丁錢糧著加恩緩至來年

秋收後徵收其潛江荊門江陵監利四州縣被水各圖院及屯坐各衛地畝本年秋徵地丁錢糧著加恩緩至來年麥收後徵收至黃梅一縣濱江近湖被災較重應辦賑卹蠲緩各事宜著卽詳查酌籌具奏候降恩旨

仁宗睿皇帝聖訓

十年閏六月襄陽泛漲鍾祥天

門二縣賞給一月口糧

冊檔

十四年豁免湖北省銀一萬九百二

十二兩有奇糧三千四百二十一石零

孝感志

十五年淤田被挖

壓等事案內題準江陵縣豁除銀一十六兩九錢五分七釐

六年豁除武昌衛坍塌地糧該銀一十兩七錢六分四釐豁減漢

川沔陽鍾祥天門荊門江陵監利等州縣挖殘沖塌釜底無徵銀

一萬四百八十一兩六錢一分一釐又江陵縣挽隄坍塌地豁除銀

八十二兩三錢一分四釐又石首縣坍塌地豁除銀八十二兩五錢

三分五釐又黃梅縣坍塌地豁除銀二百二十兩八錢七分八釐淤

志四十九

經政七 蠲卹

五

田塌賦懸等事案內題準均以十八年爲始全數豁除

冊檔

二十

四年四月奉上諭湖北省自嘉慶元年起至二十二年止因災帶

徵漬淹緩徵暨積年民欠正耗共銀一百四十二萬九千一百六

十三兩零又未還常平社倉共穀二萬八千五百一十四石零又

借修隄費共銀二十四萬四千九百四十七兩零又漕南項下未

完正耗米三萬七千一百五十八石零水脚銀五千二十八兩零

全行蠲免

冊檔

漢川沔陽天門等州縣湖淤漬淹田地減除銀五千

二百一十五兩九錢五分七釐

冊檔

道光元年恩詔豁免嘉慶二十五年以前民欠錢糧

鄭陽府志

隨州坍塌

沒田地豁除銀四十一兩八錢二分六釐又漢川縣潰成潭釜沙

壓案內豁除銀二千七百二十九兩四錢三釐又豁除荊州左衛

田糧該銀七十一兩二錢五分六釐又豁除沔陽衛潰淹減徵銀

一百八十九兩冊二分冊免漢陽等三縣節年民欠花利銀

二年十月天門鍾祥二縣水災貸賑免沔陽等十三州縣被災新

舊額賦東華續錄二年廣濟大水蠲賑有差廣濟縣志天門縣之永豐等

一百四十九院因上年夏秋水詳請賑卹並給修補房屋銀三千

八十六兩六錢冊給黃梅縣水災一月口糧又加賑口糧給江陵

等三縣水災口糧並免新舊額賦給修屋費蠲緩黃梅縣水災額

賦沔陽等十一州縣及屯坐各衛新舊額賦 四年展賑黃梅等

三縣及各屯衛被災籽種口糧貸武昌府屬道士汛營荊州城守

等營衛昌德安二營兵丁倉穀展緩沔陽等十五州縣並屯坐各

衛水災旱災新舊額賦 五年緩徵石首縣水衝田租貸荊州水

師營城守營提標後營兵丁倉穀 六年貸德安宜都二營災區

兵丁銀穀賑江陵當陽二縣水災蠲緩沔陽十六州縣災民新舊

志四十九

經政七 蠲卹

三

額賦均東華續錄七年八月奉諭湖北江陵等縣被水情形較重準其

於地丁項下酌動銀五萬兩解往荆宜施道庫存貯妥為撫卹宣宗

成皇帝聖訓天門縣沈湖等院豁減銀七百三十五兩四錢九分七釐

江夏縣原納水課歸於嘉魚縣變生下則麥地豁減銀一兩五錢

七分四釐冊八年正月給江陵監利二縣及屯坐各衛籽種十

月緩徵荆門等十二州縣水災旱災新舊額賦 九年五月貸湖

北荊州城守水師二營及宜都營被水倉穀緩徵荆門等十三州

縣衛水災新舊額賦 十年免監利等五州縣衛水災額賦十分

之一並緩徵新舊額賦緩徵漢川等十縣衛水災旱災新舊額賦

均東華續錄公安水災賑卹蠲免被災坊院錢糧撫卹銀七千九百兩

貧農借給籽種荊州府志十一年二月貸荆門營被水兵丁倉穀三

月貸督標撫標暨武昌黃州各營兵丁倉穀八月給江夏等十六

州縣水災口糧籽種修費並展賑蠲緩額賦東華續錄是年公安水災

賑卹蠲免被災坊院錢糧撫卹銀一萬兩零貧農借給籽種荆州府志

黃州大水撫卹賑饑並加賑一次借給籽種蠲免地丁銀八千三

百八十六兩零南漕米四千二百五十一石零黃岡縣志十二年正

月貸江夏等二十州縣衛災民口糧籽種三月展賑湖北江夏漢

川二縣水災貸督標提標及武昌城守營被災兵丁倉穀七月給

天門縣水災口糧九月給天門等七縣衛水災口糧東華續錄閏九月

諭內閣前據楊懌曾奏湖北本年被水較重勘明天門等縣應行

撫卹一月口糧先後在於司庫借支給發又查明屯坐各衛應行

分別加賑此外尙有應撫屯坐貧軍及貧生暨聞賑歸來貧民與

尙未勘定之是否成災監利等縣懇籌備銀四十萬兩於鄰省酌

撥解楚供支當交戶部議奏茲戶部奏撥安徽留備地方公用銀

志四十九

經政七 蠲卹

七

五萬兩漕項銀四萬兩湖南糧道庫存銀五萬兩潁墅關徵稅銀

六萬兩九江關徵稅銀五萬兩淮關徵稅銀五萬兩災區拯濟民

瘼攸關不容不先爲籌備著安徽湖南江西各撫暨潁墅淮安各

關監督迅速委員解往湖北以濟要需宣宗成皇帝聖訓十二月奉諭訥

爾經額等奏湖北被水州縣請全放折色一摺著照所請所有前

發撫卹銀及現在應發加賑等銀除已動支司庫地丁各項又動

撥餉銀俟解到歸還借墊各款外尙不敷銀二萬四百三十八兩

零準於司庫監餉項下動撥還款同上十三年賑武昌等六縣水

災緩徵黃岡等二十九縣被災新舊額賦東華續錄是年漢川大水蠲

賑漢川縣志公安石首水災賑卹蠲免被災坊院錢糧撫卹銀一萬七

千兩零貧農借給籽種荆州府志十四年正月貸湖北武昌等十八

州縣衛上年被災倉穀給口糧籽種十月給黃梅等三縣衛被水

軍民口糧蠲緩黃梅等二十六州縣新舊額賦東華續錄 十五年旱

蝗蠲緩有差蕪州咸寧廣濟各縣志 是年奉諭豁免湖北省節年民欠銀一

百七十三萬五千五百九十兩零糧二十三萬一千一十二石零

漢陽孝感縣志 八月恩旨將道光十年以前所有被災緩徵民欠未完銀

米全行豁免鄖陽雲夢鍾祥府縣志 十六年緩徵沔陽等十三州縣衛新

舊額賦 十七年十月緩徵沔陽等二十一州縣暨各屯衛新舊

額賦 十八年十月展緩沔陽等二十二州縣災歉額賦 十九

年十月加賑黃梅等三縣災給沔陽等九州縣被災口糧蠲緩沔

陽等二十六州縣新舊額賦均東華續錄 是年公安石首水災賑卹蠲

免被災坊院錢糧撫卹銀一萬兩零荆州公安石首府縣志 二十年七月

賑沔陽等三州縣水災十月蠲緩沔陽等八州縣衛水災新舊正

雜額賦東華續錄 十一月奉上諭前因本年湖北省各州縣被水民人

志四十九

經政七 蠲卹

天

紛紛逃往他省至現在遞回流民及未經逃散人民著按照戶口

速行賑卹其未經歸來者著妥為招捄一俟回籍務須隨到隨賑

來春應否尚需接濟一竝豫為籌備毋任流離失所宣宗成皇帝聖訓

二十一年正月貸沔陽等八州縣衛水災籽種十月加賑沔陽等

九州縣災民並免額賦東華續錄 是年漢川災蠲緩賑卹有差南湖等

坊院議準移賑歸工以代賑漢川縣志 二十二年正月貸嘉魚等九

縣衛水災籽種口糧十月給湖北江陵等四縣災民口糧緩徵荆

門等二十八州縣衛被災新舊額賦 二十三年正月貸江陵等

三縣衛水災籽種口糧展緩沔陽等二十四州縣衛水旱災新舊

額賦均東華續錄 二十四年公安石首水災賑卹蠲免被災坊院錢

糧撫卹銀一萬兩零以代梓楠隄工荆州石首府縣志 二十五年正月

給江陵等六縣衛軍民籽種東華續錄 八月豁免道光二十年以前正

耗民欠錢糧及因災緩徵帶徵銀穀竝借給籽種口糧牛具及漕頭蘆課學租雜稅等項錢糧冊檔湖北豁免民欠銀三百八十九萬

三千七百三十三兩零米五十萬七千九百石零漕糧二十六萬

五千四百三十六石零漢陽孝感縣志二十七年十月蠲緩沔陽等二

十七州縣被災新舊額賦 二十八年九月命戶部等撥銀六十

萬賑湖北水災竝准有隄各州縣以工貸賑十月蠲緩沔陽等三

十九州縣衛被災新舊額賦免湖北民欠修隄費銀六十萬兩均

華續錄是年公安石首水賑卹蠲免錢糧十分之四撫卹銀六萬兩

零以代梓楠隄工荆州府志江夏咸寧興國漢陽漢川俱大水蠲賑有

差各縣志廣濟大水龍武隄決蠲賦賑饑廣濟縣志二十九年漢陽大

水奉旨發帑六萬兩賑卹漢陽孝感縣志江夏蒲圻咸寧興國漢川蘄州

俱大水蠲緩賑卹江夏咸寧縣志廣濟大水龍武隄復潰蠲賦賑饑廣濟縣志

志四十九

經政七 蠲卹

无

蠲免荆州各屬被災坊院錢糧撫卹銀三萬零以代黃金隄工荆州

府志六月諭內閣本年入夏以來浙江安徽湖北等省皆因雨多水

漲各屬漫淹較廣所有藩關各庫銀兩概準該督撫酌留備賑商

販米船亦準一體免稅又諭本年江蘇浙江安徽湖北等省被水

災區較歷屆尤為寬廣除準撥各款飭部議行外著發內府銀一

百萬兩交戶部查明被災各區分別配搭撥款認真散放宣宗成皇帝聖

訓

咸豐元年恩詔道光三十年以前民欠錢糧全行豁免鄭陽府志十二

月賑漢川被水災民貸公安五縣修隄銀東華續錄二年公安水災

賑卹荆州府志貸漢川等三縣及屯坐衛所軍民籽種免荆州等五衛

積欠錢漕銀米貸荆州等四衛幫丁辦運銀蠲緩公安等二十八

州縣武昌等九衛被水被旱民屯新舊額賦給鍾祥漢川天門災

民口糧 三年二月諭湖北武昌漢陽等處先後被賊蹂躪深堪

憫惻見經該署督撫飭司道各員籌辦修城製礮各事宜尙屬周

妥至被害官兵流亡子女或應掩埋屍骨或應設局修養均著照

所議辦理六月蠲緩興國等十六州縣暨屯坐各衛被擾新舊額

賦漕項銀米東華續錄六年旱蝗省城克復奉諭蠲免逋賦江夏咸寧縣志

夏秋水旱蠲免孝感黃陂黃安等縣成災處所錢糧其餘各州縣

及各屯衛應徵錢糧分別輕重蠲緩並展緩漢川江陵公安石首

監利等五縣本年歷徵五年蘆課銀兩蠲免漢川縣屬築營被擾

地方大小戶錢糧共銀六十二兩零米三石零夏秋早安陸雲夢

應城隨州應山襄陽宜城南漳棗陽穀城光化均州分別蠲豁屯

坐軍田一律照辦又豁免江夏漢陽二縣賊踞地方應徵本年錢

糧漕南二米續錄七年豁免漢陽等縣積欠正銀八千六百一十

七兩八錢孝感漢川縣志蠲免漢川黃陂雲夢應城天門各州縣屯衛被

水成災錢糧續錄緩徵荆門等十九州縣泊屯坐軍衛被水新舊額

賦免江夏等二縣地課銀東華續錄八年豁免漢陽等縣積欠正銀

七千三百三十一兩一錢孝感漢陽縣志武昌嘉魚蒲圻崇陽通城興國

大冶通山黃岡蘄水蘄州廣濟黃梅等十三州縣因五六兩年被

擾被旱豁免六年分錢糧漕南蘆課雜稅等項並屯坐各民衛錢

糧武昌漢陽黃州三府應徵湖課房稅等項銀又七年夏及本年

春被擾最重之廣濟黃梅羅田應徵七年錢糧分別蠲緩續錄九

年豁免漢陽等縣積欠正銀七千六百三十五兩四錢孝感漢陽縣志夏

秋水旱蠲免沔陽正銀二千三百一十七兩南糧正米二百一石

三斗耗米二十石一斗其餘各州縣並武昌等衛屯坐軍田各蠲

免遞緩有差續錄十年秋水蠲免公安沔陽及各州縣並屯衛錢

糧案檔賑沔陽等十一州縣蠲緩荆門等二十二州縣暨武昌蘄州

二衛被水災區新舊額賦並沔陽等十州縣本年漕糧東華續錄十

一年蠲免道光三十年起至咸豐九年止實在民欠地丁等款及

漕南二米荆州府志又蠲免被兵地方錢糧廣濟縣志夏秋水蠲免沔陽銀

二千五百四十六兩南糧正米二百一十六石二斗耗米二十一

石六斗黃梅銀一千五百七十六兩南糧正米四百一十六石耗

米四十一石六斗其餘各州縣及屯衛軍田分別展緩案

同治元年正月緩徵沔陽等二十六州縣暨武昌衛被水被擾新

舊額賦十二月展緩沔陽等二十州縣暨武昌衛被水新舊額賦

東華續錄是年恩詔蠲免咸豐九年以前民欠錢糧崇陽雲夢縣志夏秋水蠲

免漢陽漢川黃陂沔陽鍾祥及各州縣並屯衛錢糧案二年夏

秋水旱蠲免漢陽漢川黃陂沔陽及各州縣並屯衛錢糧案十二

志四十九

經政七 蠲卹

三

月展緩沔陽等二十州縣被水被旱新舊正雜額賦漢陽等九縣

被水新舊漕糧東華續錄三年奉上諭蠲免咸豐十一年以前民欠

錢糧雜稅崇陽蒲折縣志夏秋水蠲免江夏漢陽黃陂沔陽成災處所錢

糧餘各展緩案蘄水蘄州蠲緩有差蘄州蘄水縣志十二月緩徵沔陽等

十八州縣暨武昌等衛被水被旱新舊額賦雜課東華續錄四年三

月緩徵蘄州等九州縣暨各衛軍田被旱被擾新舊額賦有差東華

續錄夏秋水旱災蠲免嘉魚漢川孝感黃陂及各州縣並屯衛錢糧

五年正月緩徵沔陽等二十州縣暨武昌等衛被水被旱漕糧

新舊額賦東華續錄夏秋水旱災蠲免沔陽監利成災處所錢糧餘各

分別蠲緩有差案八月蠲緩黃陂黃岡二縣暨黃州衛被擾新舊

額賦十二月蠲緩沔陽等二十四州縣被水被旱被擾新舊額賦

雜課東華續錄六年蠲免被災被擾之鍾祥天門各村錢糧其餘各

州縣屯衛分別蠲緩案 七年八月奉諭捻逆肆擾最重之湖

北黃州德安所屬之各州縣同治六年以前錢糧業經蠲免外其

實欠在民者概予豁免羅田縣志夏秋水蠲免嘉魚漢陽黃陂成災處

所錢糧其餘州縣分別蠲緩案緩徵武昌等二衛被水被旱新舊

額賦東華續錄 八年夏大水蠲免漢陽漢川沔陽廣濟黃梅等州縣

被災處所錢糧其餘州縣及屯衛分別蠲緩九月撥銀三十萬兩

辦理工賑 九年夏水蠲免沔陽監利廣濟黃梅公安等州縣被

災處所錢糧其餘各州縣及屯衛分別蠲緩 十年水蠲免江夏

嘉魚被災處所錢糧其餘各州縣及屯衛分別展緩均十二月

緩徵沔陽等二十五州縣武昌等二衛被水新舊錢糧雜課東華續錄

十一年正月奉諭湖北漢陽等府所屬前被捻逆竄擾元氣未

復所有被擾較重之黃陂鍾祥京山潛江天門五縣民欠未完同

治六年以前一切正雜銀米並各衛屯坐各該州縣境內軍欠一

切未完之項均著一並豁免夏秋水蠲免江夏武昌咸寧被災處

所錢糧其餘各州縣及屯衛分別展緩奉恩詔蠲免同治六年以

前民欠錢糧如奉恩詔以後未奉部文以前有已輸在官同治六

年以前錢糧者準其流抵次年正賦 十二年夏秋水旱蠲免公

安縣成災處所錢糧其餘各州縣及屯衛分別蠲緩均十二月

蠲緩沔陽等二十四州縣暨武昌衛被水被旱新舊額賦東華續錄

十三年夏秋水旱蠲免江夏成災處所錢糧並其餘各州縣及屯

衛分別展緩案

光緒元年三月奉恩詔部議蠲免自咸豐七年起至同治十年止

湖北省民欠未完積欠並積淹挖壓緩徵地丁屯餉蘆課正耗錢

糧及牙當雜稅共銀三百一十六萬九千一百二十八兩五錢八

分一釐未完漕南米折隨漕驢腳南折軍安正耗及閑丁幫津加
津蓆板水腳兌費等款共銀一百四十七萬九千六十二兩四錢
一分一釐六毫未完籽粒銀三百七十六兩三分二釐未完本色
黃豆二百一十六石八斗四升九合四勺未完籍田穀麥四百二
十二石四斗九升八合八勺七抄未完佃欠囚糧穀四千一百二
十四石四升又奏明借款並荆門直隸州湖糧歲修隄費共應徵
未完隄費銀四萬八千九百八十四兩八錢又奏明借撥未完隄
費錢五萬五千串均係實欠在民全行豁免冊司夏秋水旱蠲緩江
夏武昌咸寧各成災處所錢糧其餘各州縣及屯衛分別展緩
二年夏秋水旱蠲緩江夏咸寧成災處所錢糧其餘各州縣及屯
衛分別展緩 三年夏秋水旱蠲緩嘉魚咸寧漢陽縣及州縣屯
衛成災處所錢糧均檔案 四年夏秋水旱蠲緩江夏武昌及各州

志四十九

經政七 蠲卹

三

縣屯衛被災處所錢糧 五年夏秋水旱蠲緩江夏武昌及各州
縣屯衛被災處所錢糧 六年夏秋水旱蠲緩江夏武昌各州縣
屯衛成災處所錢糧 八年沔陽水災蠲免正耗銀七千四百八
十四兩二錢二分南糧正米七百九十一石四斗七升耗米七十
九石一斗四升 九年水蠲免漢川沔陽潛江江陵監利成災處
所錢糧並開辦賑捐清查賑撫戶部撥給銀三萬兩散放均司冊夏
六月長陽興山宜都等縣蛟水陡發沿河民田廬舍均被淹灌又
雲夢潛江江陵等縣亦同時被淹總督卞寶第巡撫彭祖賢奏請
截留漕米賑撫奉諭準其截留湖北冬漕採運米三萬石並隨漕
耗米等項俾作賑需其餘被淹之孝感等州縣仍著卞寶第等查
看情形分別辦理 十年七月署總督奎斌奏川襄兩水同時盛
漲濱江各屬田廬多被淹沒羅田石首兩縣受災較重現經於釐

金罰款及雜項內湊撥錢四千串文委員解往二縣撫卹其餘被水各州縣統俟秋後查勘情形應否賑濟蠲緩再行奏懇恩施得旨卽著飭屬查明被災戶口妥爲撫卹毋任失所均東華續錄八月奉

上諭蠲免節年正耗民欠錢糧及因災緩徵帶徵銀穀並借給籽種口糧牛具及糧項蘆課學租雜稅等項又武昌縣西洋畝低窪田畝因樊口驟難建閘奏準將本年應徵銀米暫行豁免司十

三年黃州各屬偏災籌賑局撥款六千串撫卹采訪十五年十

一月御史余聯沅奏湖北水災請飭開倉發賑奉諭卽著張之洞

奎斌通飭所屬迅卽開倉借放務當認真經理以期實惠及民東華

續錄是年黃州大水籌賑局撥款三千串以工代賑采訪十七年

十一月張之洞奏漢口水災得旨卽著飭屬妥爲撫卹東華續錄是年

黃州水籌賑局撥款四千串以工代賑采訪二十一年夏五月

志四十九

經政七 蠲卹

三

鍾祥荆 京山潛江天門漢川等縣水災請旨截留漕米賑撫奉

諭准截留湖北冬漕五萬石以作工賑之需東華續錄二十二年黃

州水由平糶轉運局撥米二千石本城倉穀撥給三百石賑撫采訪

冊二十三年三月諭軍機大臣等御史張仲炘奏湖北災區甚

廣請寬撥銀米飭地方官切實辦理一摺據稱湖北鄖陽宜昌施

南各屬上年因旱潦迭乘顆粒無收被災情形極爲慘苦地方官

相率諱匿截漕之旨已下而辦賑尙無明文附近荆門所屬之當

陽縣饑民已藉故滋事宜昌川東一帶亦皆蠢動現在三府被災

丁口約在百萬以外僅恃官籌紳助旣難周徧亦患遲延等語湖

北上年災情極重迭經截漕散放若如所奏情形是該地方官於

災賑一事竝未切實辦理著張之洞查明各屬災區究竟應否寬

撥銀米之處酌量情形嚴飭地方官認真辦理又奉皇太后諭湖

北鄖宜施等屬因上年秋雨爲災冬閒又復亢旱民情困苦深堪
憫惻著於宮中節省內帑項下賞給湖北銀五萬兩交張之洞妥
速賑濟東華續錄是年秋鄖陽亢旱蠲免錢糧采訪冊二十七年夏秋

水旱十二月諭張之洞等奏查明湖北各州縣被淹受旱輕重情
形懇恩分別蠲緩新舊錢糧一摺著照原奏所開黃梅等各州縣
村莊頃畝應蠲應緩銀兩各數分別蠲緩另摺奏黃梅等縣應徵
漕糧請分別緩徵等語著照所請緩至二十八年秋後分限帶徵
其原限節年漕糧並著遞限一年帶徵 二十八年夏秋水旱十
二月諭端方奏查明湖北各廳州縣被淹受旱輕重情形懇恩分
別緩徵新舊錢糧一摺著照所請被災之咸寧等各廳州縣村莊
應徵新舊錢糧等項並原緩節年銀米分別展緩另摺奏咸寧等
各廳州縣應徵漕糧請緩徵收等語著照所請一並分別緩徵

三十一年十二月蠲緩公安等各廳州縣被水被旱新舊錢糧漕

米 三十二年十二月蠲緩枝江縣等各廳州縣錢糧漕糧均東華續

錄黃州各屬水旱撥帑銀六萬兩賑卹又籌賑局撥款三萬串官

紳共捐款十三萬串零 三十三年麻城水災散放冬賑均采訪冊

宣統元年夏川襄各隄潰口水患延袤武昌漢陽黃州德安安陸
荊州荊門六府一州總督陳夔龍兩次電奏奉旨賞給帑銀六萬
兩並准無論何款籌撥銀二十萬兩放賑又經陳夔龍電商郵傳
部左侍郎盛宣懷於東南各省募捐接濟又奏請由各員養廉項
下扣提助賑先由夔龍捐銀一萬兩自司道以下至各府州縣共
捐銀八萬餘兩司庫如數墊撥濟用在各員養廉項下不分正署
按日計算分五年扣還又修復江襄潰口以工代賑十二月奉諭
楊文鼎奏勘明湖北各屬被淹受旱輕重情形請分別蠲緩新舊

錢糧漕南銀米等項開單呈覽一摺著照所請將被災之石首各

廳州縣村莊應徵新舊錢糧漕米等項並原緩節年銀米分別蠲

緩政治是年黃州水災籌賑局四次共撥款五萬餘串恩帑銀撥

二千六百兩又商會捐款三千串同鄉京官捐一千串助賑采訪

二年正月署總督楊文鼎奏上年籌辦冬賑情形綜計各項用

款初次急賑錢米並放並於衝要之處設立截撫專局截留資遣

約用銀二十餘萬兩各省購買糶糧約用銀六十餘萬購置棉衣

約用銀八九萬兩其天河潛漢四屬辦理賑糶工三項約需銀七

八十萬兩江公石監四屬賑糶工三項約需銀六七十萬兩政治

五月江漢漲發潛江河陽漢川監利江陵宜都東湖當陽枝江荆

門天門各屬民隄潰漫大吏奏請分別撫賑展辦平糶采訪

善舉附

案禮記王制少而無父者謂之孤老而無子者謂之獨老而無妻
者謂之鰥老而無夫者謂之寡此四者天民之窮而無告者也皆
有常餼瘠瘳跛躄斷者侏儒百工各以其器食之蓋三代時之通
制而其詳無考兩漢存問高年及鰥寡孤獨或有所加賜皆以特
詔行之餘則未有聞焉明洪武二年令天下置養濟院以處孤貧
廢疾者三年令民間立義冢禁火葬宣德二年令天下設惠民藥
局給與貧病者設養濟院以待民生無養死無葬者清順治四年
令天下立漏澤園以上見德安府志此則著為政令者也諸志所載僅此
然古者士大夫往往視力之所及為之如蘇東坡勸富人者錢給
貧不能舉子者及合聖散子藥施療病者皆在黃時事又文集有
武昌官葬暴骨銘亦是也近時紳民慕義尤眾武漢之間善堂林
立未可闕書悉列其地址云

江夏縣 普濟堂額養孤貧五十九名每名銀二兩一錢共銀一百二十三兩九錢 育嬰堂舊在漢陽門崇文三鋪清雍正九年巡撫魏廷珍及各官捐建乾隆四年改建於新興一鋪四十二年又移新興三鋪四十七年鹽道暨各屬捐建於糧道街今在巡道嶺 恤孤局在育嬰堂內知府裕謙籌設今廢案裕謙記堂所育局所收孤則未及十歲者凡八號每號住童二十 養濟院舊在忠孝門外今廢 棲冬院在中和門內同治元年總督官文籌款邑紳陳慶溥捐宅募建每月新關撥銀三十兩鹽道署撥銀五十兩收養貧民百餘人 廣仁堂在小箭道光緒十七年湖北巡撫譚繼洵創建收養孤貧殘廢以百二十人為限嗣將棲冬院並入廣額二百四十名三十二年因銀幣局擴充地址遷糧道街即前育嬰堂 敬節堂舊在撫院街今移後府街一日永安局 永安分局在黃土坡 積善

志四十九

經政七 善舉

毛

堂在南樓上嘉慶四年初設在漢陽門外新碼頭道光元年移城內三元宮咸豐八年移今址 衡善堂

在撫院街 普安堂在武勝門街 聚善堂在貢院東 滋生堂

在得勝橋 衛生堂在正衛街 同善堂在都府堤 益善堂在

營房塘 培善堂在金龍巷 敦善堂在吉祥巷 濟善堂在老

天符廟 滋善堂在三道街今廢 全善堂恆善堂均在大朝街

以上各堂均地方紳民公建所設義學水龍送診種種痘施藥施棺救生船義塚視其經費盈絀辦理三五事不等城外各堂並同

滋善堂在賓陽門外道光中邑人張大沼購地捐建咸豐兵燬

同治初重修 培善分堂誠善堂均在中和門外 三善堂在保

安門外 寶善堂至善堂均在望山門外 敦義堂在文昌門外

樂善堂福善堂元善堂敦義分堂均在武勝門外 全生堂在

東鄉真武觀 寶善堂在南鄉紙坊 生生堂在北鄉青山鎮

水龍公所在老新街水池在青龍巷附設掩骼公社 陳氏義莊

在賓陽門內邑紳陳鑿建先後置田一千八百畝凡族內大口日給錢三十文小口日給錢十五文老口及鰥寡日給錢四十五文婚喪等事另給錢二十千文道光十六年御書義莊二字字方二

尺建亭勒石 案義莊至今照章給發無一日輟同治縣志云今廢世風之變而通宗法之窮也古者大宗統眾昆弟雖異居而同財有餘則歸之宗不足則資之宗自宗法廢而待資者十八九歸有餘者十不獲一焉非盡力不足也重利輕義圖私廢公為子孫計耳夫欲庇己之子孫何若先庇祖宗之子孫幾見陸媻任卹之家其子孫長貧賤者乎位之卑祿之薄者無論已獨怪夫功名赫赫坐享千鍾旄節所經照人耳目及詢其里閭族黨有貧而無告者矣有飢驅而比匪者矣獨非人心顧忍聽其族若是然是僅胡越其族也猶可恕也若夫彼此蔽蔽一意寵祿幸竊崇階趨避益熟其進也皇皇如有所營也其退也戚戚焉若反苦於在官時者何也左囊橐右笥籠障於前局於後恐戚戚族胥攫之而攘奪之也於是殫謀竭慮萬理不顧棄先人墓廬避居他邑治宮室拓園囿問田求舍營子計母無親戚往來之樂族人偶一涉足司閽者辭以他往迫之則匿遁秘室或潛於密戚數晨不歸若仇讎然嗚呼身為大府戚族所仰而望也風俗所賴以厚也而仇讎視之儻亦聞陳公芝楣官保之教否乎公系出義門世有令德與則徐同官吳中宅心處事諗之最悉其愛民肫摯視閭閻老幼若一家固知其

志四十九

經政七 善舉

義

於根本拳拳也道光十六年將入覲遂有義莊之舉仰蒙天語垂詢書額以賜海內榮之公歆然也行其心之所安而已亦非邀譽戚族為子孫庇也而其澤固不可掩已今年夏哲嗣慶涵出公手定條規將付梓來請序余維文正創盛舉公諸天下後世非恠於一二人也何胡越其族與仇讎其族者若彼而公獨若此嗚呼其世風之厚且長也陳氏子孫謹守前烈期哲興莊在武勝門內儒無背乎宗法之旨將此跡范氏何難焉

士甘希賢建 初彭齡記略余視湖北學政之三年徧歷十一府州七十八石有奇至鄉試之秋分給諸生以贍資斧揆厥所由則前明崇禎初知縣南昌李君汝霖創其始而國朝康熙中嘉善李君振宗踵成之者也意美法良行之百數十年罔有攸替竊歎當時長吏恤士作人其精神有周於簿書獄訟之外者又竊意上作下應必有好義之士出自閭巷聞風而興起者而憾其未見之也

已而江夏民婦甘李氏以狀赴轅具稱故夫希賢讀書未遂賣志以終而好義性成屬纊時惓惓遺屬願以橫山腴田歲得租穀約三百石以其什之三資公車北上而十之七給鄉試者爰建莊於武勝門內以為支給之所中祀文昌帝君而鐫所立規則於石即請鈐用官篆以垂久遠又乞為文以記之 興善莊

在漢陽門內邑紳袁太華建 樂荆莊田賓賢莊周均在南鄉上

四莊皆捐置田畝作為本邑士子鄉試賓興會試公車之費惟興善莊兼及府屬九州縣又夏氏宗祠光緒年間以遺產捐送學院

歲科兩試新進生員印卷

費每名錢十四千有奇

各善堂分置

縣志 采訪冊

武昌縣 普濟堂額養孤貧一十五名共計銀三十一兩五錢

漏澤園在縣西九曲亭下明正德閒知縣陳璋建今廢 育嬰堂

在縣城內光緒三年知縣劉篤慶凌心垣暨邑紳捐建附設義學

縣志

嘉魚縣 惠民局在縣治前明洪武七年訓科童祥建今廢 養

濟院在縣東一里明洪武八年知縣吳啟文建額養孤貧五名共

銀十兩五錢

縣志

蒲圻縣 普濟堂在縣南雙路口舊義倉地額養孤貧十名共銀

二十一兩 育嬰堂在縣豐樂門即南糧倉遺址雍正年間建

案 縣勞光泰記舊存堂本錢一千八百串歲取息可有四十餘口後勞光泰倡捐共得錢二千八百串田一百四十六畝咸豐二年兵

志四十九

經政七 善舉

三

燬

義塚舊有八區一在東洲一在西洲一在城南五嶽觀前一

在演武廠一在黃土嶺一在楓樹嶺一在茶園嶺一在城西銅錢

坡又黃佐廷捐三區一在演武廠後一在楓樹嶺後一在五嶽觀

前餘橋上首山又周楚士捐在豐樂門外厲壇左右山二段又陳

秉乾捐大石橋一段又道光十二年大疫貢生陳杏昌在西洲及

城南捐地為大眾掩埋又鄭萬年王明福等購地三段一在城南

錢家莊一在和市嶺一在大石橋章心唐捐二段一在汀泗橋一

在泉口

縣志

咸寧縣 養濟院明時舊在縣西黃風礮後遷南城外二百步尋

圮清康熙五年知縣何廷韜重建額養孤貧十四名共銀二十九

兩四錢 義塚在縣治西楊山鋪去縣三里

縣志

崇陽縣 育嬰堂在縣署左側雍正十三年知縣李五惇奉文建

道光二十一年知縣金雲門勸各官紳捐錢發典生息清出舊年田畝定有條規咸豐四年堂燬歲收田租邑紳經理如故 四鄉育嬰局河西保一所增生李夢松倡捐置有田產臺橋保一所吳光瀚等捐置號坤成局 養濟院向在西門外明隆慶開知縣胡秉性建尋圯萬曆九年知縣王學曾改建於舊鄉約所清道光閒知縣朱清標金雲門先後增修咸豐中兵燬同治四年知縣高佐廷重建當舊院後距廢基十數武額養孤貧七名共銀十四兩七錢先是武昌府知府裕謙札縣額增二十名府縣捐廉各半知縣金雲門又陸續收養額外孤貧二十二名捐廉存典生息給發經後兵燬典歇額外不復設增額去其半現存孤貧額一十七名每月給錢二百二十文

縣志采訪冊

通城縣 育嬰堂在東城內知縣林逢年建後改實興館今廢

志四十九

經政七 善舉

四

惠民藥局在縣正街二十步知縣褚潭建今廢 養濟院舊在縣城外西北半里明成化二年知縣杜敏改建隆平寺右額養孤貧六名共銀十二兩六錢今每名月給米三斗歲終棉花銀三錢清同治二年知縣李致勳汎官吳鏞移建北門外

縣志

興國州 養濟院即舊安養院宋知軍田僅創在北門外厲壇之西今呼爲孤貧院原額三十三名共銀六十九兩三錢清同治六年知州王臣弼捐銀八十兩添額四十名女孤貧院一所在小西門外新街同治元年知州徐芝捐建六年王臣弼培修 育嬰堂在大西門外道光十九年知州蔣嘉瑞捐錢數千緡倡建二十九年圯於水基尙存 同善堂在小西門內同治閒官紳士民捐建 義館在陽新門內北街康熙六十年知州高夢龍創建今廢 集善堂在吉口里大畷街同治十一年眾姓捐建 漏澤園宋知

軍虞旂孫置田架屋舍僧守之今失其處 舊義塚三係知州王

俟捐置一在北門外獅子山之麓一在儒學白虎山一在北門外

五里湄峯巖 新義塚三係知州宋宴春同州紳公置一在司家

壠一在花墳壠一在赤壁背州志采訪冊

大治縣 養濟院在縣後將軍嶺下明初知縣吳懋建萬曆中改

設於大有倉之右後廢基尙存清道光中知縣王會清改建於學

龍後官山演武廳左 普濟堂額養孤貧四名每名銀二兩一錢

共計銀八兩四錢 育嬰局同治二年知縣易振元捐廉分設城

鄉五局城內安昌宣化永豐四會各一又監生劉槐斗等建在南

昌堡監生劉鳳化等募建在南方堡周餘慶等募建在白墳堡

培德堂在道士泐黃昂杰等募建縣志采訪冊

通山縣 育嬰堂在白鶴山麓清道光中邑人唐國幹捐資創建

志四十九

經政七 善舉

聖

養濟院在縣治南通津橋廢址存康熙四年奉文復給孤貧月

糧花布額養六名共銀十二兩六錢知縣任鍾麟重建後廢 惠

民藥局在署東南今廢 漏澤園在縣治西三里馬槽山麓明萬

曆十一年知縣張書紳捐建 義塚在縣治翠屏山麓縣志

漢陽縣 普濟堂在西陽坊久圯額養孤貧二十六名共銀五十

四兩六錢 恤孤局舊在縣署西北道光十一年大水圯知府沈

蘭生知縣史禮賢重修二十六年改爲府經歷署局移於西門外

咸豐兵燬後卽舊址重建爲孤貧院 麻風院在西門外棉花山

雍正九年建今廢 育嬰堂舊在東陽坊雍正十三年知府張廷

慶知縣梁瑛紳士崔文元等募建邑人徐諤徐詵捐置田宅後廢

同治八年知府鍾謙鈞於前通判署舊址倡建並設義塾 敬節

堂在育嬰堂後亦同治八年知府鍾謙鈞建 敦本堂在晴川閣

左道光三年紳商捐建總督周天爵紀其事泐石閣下咸豐五年燬今移建玉清宮旁 同善堂在縣西門外迤北道光五年紳民捐建 厚善堂誠善堂懷善堂潛善堂並在西門外 道安堂在西門內 修德堂在南門內 意誠堂舊在城外興國寺西後兵燹紳民捐資重建於東門內 補善堂在縣東門外洗馬口咸豐八年建 培善堂在崇信坊乾隆年建同治初年重立 福善堂在雙街咸豐六年倡建 書善堂敦化堂並在鐵門關 泉隆堂在鸚鵡洲 大生堂舊在東門內道光二十二年建今移永豐隄 濟安堂在西門外馬倉湖馬頭光緒二十八年建 敦善堂在蔡甸鎮道光十五年士民勦建 樂善堂在蔡甸鎮咸豐元年士民捐建 文昌社在蔡甸鎮專設以恤孤嫠 近思堂在南鄉覺路庵咸豐中建 水龍六所敦本堂泉隆堂誠善堂

地址見前永靜堂

在東陽坊翼翼堂志善堂並在蔡甸鎮 義塚一在鳳棲寺康熙五年七年紳民捐置一在蕭家院一在梅子山五里墩同治中知府鍾謙鈞捐置一在李家山邑廩生陳祺昌捐置一在宏仁亭山西南人公置又鳳棲里黃藤背馮家嶺紫霞觀十里鋪戴家山蠟樹隄盧家冲馬昌湖梅子山蜈蚣嶺前長水坡彭家冲棉花山後高廟嶺大別山前後及七里廟藥王廟等處又一在西門外大校場後敦本堂捐置

縣志采訪册

夏口廳 普濟堂在大智坊乾隆二年知府胡學成建今廢 自新堂在寶林庵道光十一年士民捐建 普善堂在興隆正街道光二十七年建兵燹燬 培德堂在清虛道院咸豐七年紳民捐建後移在循禮門內 從善堂在楊千總巷咸豐八年建 從仁堂在正隄小火路同治元年建 安善堂在五彩正街同治二年

紳商捐建 敦實堂在存仁巷同治三年紳民捐建 補濟堂在
大智坊同治四年紳民捐建 公善局在後隄六度橋同治五年
知府鍾謙鈞捐建並設敬節堂義塾 道心堂在白布街敦仁堂
在苗家馬頭道生堂在大董家巷善寶堂在張美之巷永安堂在
大夾街復善堂在存仁巷隄街均同治年間置 惠滋堂在福建
會館側普安堂在至公巷均同治六年建 仁善堂在大通巷同
治八年建 寶善堂在古永清橋衛生堂在仁里巷後均光緒元
年建 眞善堂在廣益橋鎮安堂在存仁巷均光緒初建 慈濟
堂在花布街光緒四年建 滋善堂在仁里巷正隄光緒五年建
濟生堂在土墘開口光緒八年建樂善堂在苗家頭光緒十年
建普化堂在土墘側廣濟堂在存仁巷化善堂在尙義巷仁濟堂
在關帝廟街聖化堂在利濟巷依善堂在橫隄正街均光緒年間
建 保安堂在橋口興隆庵宣統元年建 慈善會在後城馬路
宣統二年紳商公置 水龍局十六所一樂善堂一公濟堂一普
安堂一凌霄書院並在居仁坊一懷安堂在由義坊一里安堂一
同安堂一從仁堂並在循禮坊一惠濟堂一德濟堂一奠安堂一
沛安堂一道生堂一水星祠一濟善堂一普善堂並在大智坊

漢川縣 育嬰堂久廢 普濟堂今養濟院在城二鋪姚家巷清
嘉慶二十三年監生魏用休捐修額養孤貧一十四名共銀二十
九兩四錢 積善堂樹德堂俱在城內紳民公置 樂善堂在城
西南分水鎮係漢北喻公和漢南監生許萬宗等倡捐公置 義
塚在分水鎮南北一係附近張姓施二係樂善堂公置
孝感縣 養濟院在北門久廢清順治十八年知縣張擢土重建

縣志

光緒初知縣朱希白捐廉重修額養孤貧三十一名共銀六十五兩一錢 育嬰堂舊在節孝祠後雍正二年知縣張宏敏創建後廢十年知縣金虞改建北門內汪公池側 賓興館在董孝子祠前知縣孫傳慤重修 漏澤園義塚在城東門外 桑園義塚在城東門外明吏部員外郎程良籌置 向家灣義塚明萬曆三十年知縣余桂萼置 諸趙鄉義塚清同治三年生員汪鎮華捐置 徐氏義塚距北郭里餘道光二十二年徐雲程雲步兄弟捐置 花園店魯家湖義塚道光二十四年置向在河濱窪子口水激棺見丁世儀丁漢章議移高阜又捐市東北魯家湖地數畝瘞馬遷喬會義塚在城西康熙三十一年知縣吳鳳翔捐置 金果園義塚在斗山鋪楊廷松置 縣志 采訪冊 案嘉慶志義塚九處外小東門外三漢埠洛陽店小河溪者各一

志四十九

經政七 善舉

器

黃陂縣 育嬰堂在縣前徐家巷清雍正十一年建今廢 養濟院在西郭外舊廢乾隆二年重建於鷄鳴樓外額養孤貧三十一名共銀六十五兩一錢 資生堂即育嬰堂在東門內吳家巷邑人徐瀛捐建 自新堂在城內三眼井正街同治元年邑人宗淇倡建 漏澤園有三一在城西五里明知縣謝廷蒞立一在城東三里知縣洪其道立一在城東二里典史熊廷蘭立今俱廢 魯臺鄭家灣義地德齊堂陳捐置 縣志 案嘉慶志內有廟耳山一處 沔陽州 養濟院舊在東門外七里院內額養孤貧五名共銀一十兩五錢明宏治中知州張宏宜徙建楚望門內清乾隆三年知州禹殿鼇重建今廢 惠民藥局在十字街西明景泰中建今廢 積善堂在北門外知州王廷楨建 義塚四所在東榮坊院南 花濱院西姚老院北杜字號 又義塚在江北里青石院印本酒

捐置州志采訪冊

黃岡縣 養濟院在山川壇側乾隆三年奉文建立額養孤貧一百六十七名共銀三百五十兩七錢同治十二年邑紳劉維楨捐制錢一千串以助經費 育嬰堂一在一字門內道光二十七年知縣金雲門重議修復捐錢一百串一在倉子埠道光二十七年邑人胡紹瑛張殿魁等捐建 甘露堂在但店區明季邑人丁馥芳捐建有茶亭一座以庇行人每歲施茶迄今不廢由丁氏後人經理 培心堂在陽邏司署右側道光二十八年紳民公建同治三年重修漢黃德道署及知縣署捐銀助之 義安堂義安局俱在東鄉劉家樓區係邑紳劉維楨捐建 劉氏義莊邑紳劉維楨捐置共田一百五十餘石光緒二年奏咨有案 王氏義莊邑紳王毓藻捐置光緒年間奏咨有案 漏澤園舊有五處俱在東關

志四十九

經政七 善舉

畢

外五里墩一係康熙三十年知府王輔置一係五十六年知府蔣國祥置一係五十八年知縣鍾葦置一係邑士魏永絲永經捐置一係乾隆三年知縣吳瑛置 附郭義園一在元妙觀左側一在校場右首俱附貢魏廷僧捐置一在古火王廟後監生盧萬青典商邵源和孫復豐捐置一在梓桐岡紅花園署但店司巡檢章淑捐置又二段係公置一在山川壇後左側亦係公置一在清淮門外忠顯廟右邑人王家駒捐置一在向日門地二段朱慶宜捐置一在太平橋監生王灝捐置 東絃鄉義園一在劉家樓監生范起鳳捐置一在城隍山右捐職都司范欽捐置 還和鄉義園一在仙姑廟墮巖山北一在大塘角俱係邑人張得勝捐置一在黃家鋪康熙四十九年邑紳曹載恆捐置又黃家鋪西職員黃宗璐捐置一在棗樹店北監生秦先略捐置一在羅家鋪東白家塆監

生周世隆及管姓合置一在馬曹廟右邑人賈景康捐置一在賀家灣對門山上邑人林界玉捐置一在郭家沖邑人江泰興廣興恆太等捐置 慕義鄉義園一在便湖側舉人張毓樾附貢錢蒲田等捐置一在焦家坂一在沙坂一在汪崇堆俱監生靖厚炳捐置 庶安鄉義園一在昏水墻一在走馬隄一在李家岡一在白樓灣一在王家寨一在孔家石橋俱邑人徐貢朝捐置一在烏龜山封職胡啟華捐置一在紅家塘上岸大山厚本堂捐置一在文布寺南監生徐濟寬捐置一在汪集細屋山東北封職萬鴻恩捐置 中和鄉義園在周山鋪倪家山生員揭炳芳等捐置 上五鄉義園在龍岡山側地名龜山道光十年貢生洪恩峻捐置 培心堂義園在柴柏湖雷開甲等捐置 賓賢館在縣岡鹽提舉王宗華捐置竝置有田

縣志 采訪冊

志四十九

經政七 善舉

吳

蕪水縣 養濟院在濟民倉側額養孤貧六十二名共銀一百三十兩二錢 育嬰堂在治東道觀灣 興賢莊在縣北鍾師樓鋪明崇禎初知縣李汝燦建清康熙間知縣李振宗踵成之乾嘉道年間紳民續有捐置田畝俱爲邑士科舉之費 漏澤園有二一在治北一在上馬石順治十一年知縣李蓀建

縣志 采訪冊 案嘉慶志義塚一

所坐落 施家河

麻城縣 養濟院在大東門內清乾隆三年奉文建二十年知縣胡鵬年修額養孤貧二十名共銀六十三兩 漏澤園在縣治西石家山邑人熊經請於知縣商清購置 毛氏義塚在縣西一里土名鳳凰窩明處士毛文昭置又義塚在西門北門外清順治九年巡按聶玠檄縣籌置又義塚在西門外牛棚山東西二處知縣吳顧行捐置又五里橋西義塚知縣吳顧行捐置

縣志 采訪冊

羅田縣 養濟院在縣治西明嘉靖二年知縣夏國孝建十五年知縣林宗桂遷於下新街寇燬今仍移縣治西清同治八年知縣吳鳳笙重修額養孤貧三十名共銀六十三兩 育嬰堂在縣治鳳山左雍正中知縣金珣同紳民捐建乾隆六年知縣彭朝佐置田 漏澤園共二十四處一西關外知縣徐泰捐一北城崗知縣余世禎捐一栗子坳知縣沈廷楨捐一陳家河二段知縣姚士基廩生王堞捐一普陀庵王大壽捐一南門外張詔劉學誠捐一棠林河一三里橋一東關外一韓塔寺一李家集貢生童先福同弟書田捐一劉家畝王光潤捐一童家庵一長嶺岡一僧塔寺一油榨山林宗望捐一張家坳八甲紳士公捐一西沿沖廖泗泉廖梧村廖仙峰同捐一勝家堡二段蕭常璐捐一後岡蕭功世文楚信閣中孚全眾堡捐一蓮花庵胡履魁捐一夏家坳潘奎捐一碓臼

志四十九

經政七 善舉

畢

腦一雙鳳坳周傳松鄂常富同六甲公捐一查樹坳朱宿楷余珍樹周殿債捐置縣志采訪冊

黃安縣 養濟院明建清嘉慶二十二年知縣林縉光創修額養孤貧二十八名共銀五十八兩八錢 育嬰堂在縣署西嘉慶七

年知縣孫文驊建 漏澤園明知縣應存初建縣志采訪冊案嘉慶志有義塚一所坐落北關外

蘄州 養濟院在城東東嶽廟右清康熙中崑山徐惺以兵備道駐劄蘄州捐俸建道光二十七年署知州楊明善支款補修二十九年大水淹沒僅存正屋一間額養孤貧六十四名共銀一百三十四兩四錢 義塚一所在周公山牛馬坳州志

廣濟縣 養濟院在縣南明洪武初建嘉靖十五年知縣侯嘉祥徙縣治東南額養孤貧十六名共銀三十三兩六錢 惠民藥局

明成化中敕建今廢 公善堂在武穴後街老隄上各鎮募捐

漏澤園一在縣治東南一在邑西郊外知縣陳景昌建一在萬車

鋪清康熙四十三年知縣李世德置 義塚一所在石頭背縣志

黃梅縣 養濟院額養孤貧一十三名共計銀二十七兩三錢

義塚一所坐落沙子嶺縣志

安陸縣 養濟院在南門外今建東門外額養孤貧一百三十四

名共銀二百八十一兩四錢 留養局在南門外知府方長慶置

恤孤亭在治西南隅知縣趙琪建 惠民藥局久廢 漏澤園

在南門外明嘉靖十四年湯紹恩建今廢 寶善堂在城內同治

九年官紳創建光緒十三年添設水龍一座 同善堂在合河店

光緒十二年里人公建縣志 采訪冊

雲夢縣 養濟院在北關外東角舊圯清道光中知縣保先烈重

志四十九

經政七 善舉

吳

建額養孤貧二十一名共銀四十四兩一錢 育嬰堂在縣治東

下北街有雍正十三年知縣傅百揆題匾道光十年重建 廣善

堂在曲陽驛光緒五年知縣吳念椿建 □善堂在石馬會光緒

三十年建 培善堂在詹桂橋宣統二年建 漏澤園一在東門

外一在南門外一在北門外一在高家社縣志 采訪冊

應城縣 養濟院在縣城內東北隅儒學後知縣樊司鐸建後移

大北門外光緒四年知縣黃維哲重建額養孤貧三十六名共銀

七十五兩六錢 育嬰堂在縣城內西南久廢今借設南街火神

廟內 惠民藥局在縣城內醫學東久廢 漏澤園在縣城北門

外近河 務本堂在縣治東 樂善堂在城內北街 並銘堂在

楊家河 月銘堂在巡店西街 自新堂在田店街 積善堂在

縣北團山 聚善堂在盛家集 崇文堂在樸林團 洗心堂在

長江埠均士民公建 義塚一在縣東四十里長江埠羅家廟側
乾隆中羅謝二姓爭地興訟知縣曾長源判爲義塚一在西南城
外濠南一在土門團三合店沙橋道光十五年邑人徐步瀛吳毓

杖捐置

縣志
采訪冊

隨州 養濟院在南門外清同治八年重修額養孤貧二十九名

共銀六十兩九錢 惠民藥局在南門外今廢 育嬰堂六所一

在紫里九甲謝家店徐金城等捐置一在龔家店任受綱等捐置

一在均川街楊楚等捐置一在聖里四甲金家橋蔡學儒等捐置

一在聖里一甲永興店蔡炳離等捐置 漏澤園一在城南里許

一在城東一在城北打鐵店

州志

應山縣 養濟院舊在治北里許今移至北城內額養孤貧十八

名共銀三十七兩八錢 惠民藥局在縣治西舊陰陽學故址內

志四十九

經政七 善舉

兕

明弘治閒知縣陳諡建今廢 育嬰堂在炎帝廟街 漏澤園在

縣治北 義塚三一在東嶽觀西一在西門外里許一在印臺山

南

縣志

鍾祥縣 養濟院在大井灣清乾隆三年移置額養孤貧十五名

共銀三十一兩五錢 育嬰堂在倉鋪街雍正十三年建知府胡

學成知縣王宗桂捐俸存典生息今廢 漏澤園一在城南窰廠

一在城東二里許一在城東五里許皆邑人劉欽所捐其舊在七

里灣外則安陸知府吳肇榮捐置

縣志

京山縣 養濟院在縣南今移縣東額養孤貧十八名共銀三十

七兩八錢 義塚二一在縣東一在縣西厲壇

縣志 案嘉慶志
義塚三處一近川

臺一西岡嶺
一京障隄

潛江縣 養濟院在縣治南十字街明洪武初知縣史純一建後

移縣西城隍廟又遷西隄額養孤貧四名共銀八兩四錢 育嬰堂在火神街係充公房屋日久敬傾清道光中庠生潘振魁稟縣修葺永作育嬰堂 惠民藥局在縣前今廢 義塚八所一在葛柘院明邑人易宗元捐一在社林院清光緒二年吳家改口士民公置一在大東門城外嘉慶中張姓捐一在南門護城隄外坨埠院武生潘振魁捐一在關廂門外居東城外義塚之外道光二十九年邑人余煥章捐一在南門外橫隄頭一在縣西渡夜汊河俱邑人劉寅捐一在河東黃漢坨邑人李崇信捐 北郭義塚四其在東嶽廟後者知縣曹珩買捐其在水府廟傍者有二知縣王念祖羅萬象買捐其在東嶽廟左者邑人朱之佩捐 西郊義塚二邑人劉垓陳大田捐 縣志 案嘉慶志載義塚五處一黃家灘一獾狽院一胡家院一胡家嶺一團湖院 天門縣 普濟堂額養孤貧一十六名共銀三十三兩六錢 義

志四十九

經政七 善舉

五

塚五所一陶家院一楊家灣一吳堰溝一白骨塔一北郭 縣志 襄陽縣 育嬰堂在守備司街清雍正十三年中營守備劉之熒建後廢同治初復設 養濟院在城西北隅獅子旗坊額養孤貧二百三十名共銀四百八十三兩 啟善堂粥廠共四局一在泥觜華嚴寺衝口咸豐八年設一在竹篠鋪九年設一在樊城仁皇寺一在樊城四官殿均十年設 悔過堂粥廠在龍潭寺咸豐九年設 同善堂粥廠二局一在法龍寺楊家集咸豐九年設一在西北津同治九年設 恤養堂在泥觜鎮同治三年設 同隱堂在樊城道光十一年闔鎮捐設 皆不忍堂在守備司街同治十一年提督郭松林襄陽道歐陽正墉設並樊城同隱堂辦理 清節堂光緒二年知縣史致謨設定額五十名每月給錢五百文歸育嬰堂辦理 漏澤園三一在東門外一在長門外一在樊城

義塚六一長門外一南門外一西門外一南關隄外一東津灣一

樊城盧家門外縣志

采訪冊

宜城縣 養濟院在西街城隍廟東明知縣雷嘉祥修清咸豐十

一年知縣余思訓移報恩寺左額養孤貧二十一名共銀四十四

兩一錢 育嬰堂在西街監獄東雍正十二年知縣藺璠建 漏

澤園三處一在小南門外廢泰山廟後明知縣張鳴岡置一在高

觀鋪接官廳西半里知縣梁雍置一在宋玉塚北順治十一年知

縣王道興奉文購置今皆廢 公義堂在城內同治四年知縣楊

鈞設 義塚七處一在屈家溝監生魯湘捐一在宋玉塚旁一在

西關外社稷壇旁一在縣西黃憲塚側一在縣西南張余河孔家

灣一在縣南璞河腦龍興寺前一在城東南龍旺洲圓通寺旁縣志

南漳縣 養濟院在西關額養孤貧十五名共銀三十一兩五錢

志四十九

經政七 善舉

至

育嬰堂在武安鎮北關咸豐二年設 義塚三處一在小東門

外一在西門外一在武安鎮盧家橋縣志

棗陽縣 養濟院在西門內西直街額養孤貧四十五名共銀九

十四兩五錢 育嬰堂在東門內今廢 漏澤園八處清康熙五

十六年知縣邱綸捐置四處一在東門外十里廟一在南門外靈

通寺一在西門外雲峰寺一在北門外清涼寺乾隆二年知縣聞

人集捐置四處一在東門外沙河店一在南門外火官殿一在西

門外雲峰寺一在北門外祖師殿縣志

穀城縣 養濟院舊在城西半里久廢清乾隆二年知縣劉嗣孔

建於南門外額養孤貧三十名共銀六十三兩 崇善堂在南門

外光緒七年知縣石廷鑾設 義塚二所一在城南馬頭一在西

門外皆寺僧經理縣志

采訪冊

光化縣 養濟院舊在縣西南久廢今修縣署西額養孤貧二十
五名共銀五十二兩五錢 敦善堂在新鎮同治十年知縣胡啟
爵設 義塚十所均在新鎮縣志

均州 養濟院在豫備倉前後移在州治北均廢清康熙十一年
知州黨居易重建額養孤貧三十六名共銀七十五兩六錢 漏
澤園在南門外久廢 義塚三所一在城外柏楊林一在城東五

頭山一在城西西岡屯州志

鄖縣 養濟院舊在城西南今移東門外名普濟堂清道光閒知
縣陳子飭重修舊額孤貧七十名今二十名共銀四十二兩縣志

房縣 養濟院在惠感寺後額養孤貧十二名共銀二十五兩二
錢 惠民藥局舊在學署後老龍王廟址清咸豐三年六月西河
水漲藥局被淹七年知縣金玉堂改葺城內舊址遂沒縣志
採訪冊

志四十九

經政七 善舉

至

竹山縣 養濟院在西門內清乾隆元年建額養孤貧八名共銀

十六兩八錢嘉慶元年燬於賊四年知縣范繼昌重修縣志

竹谿縣 養濟院在東門內額養孤貧八名共銀十六兩八錢縣志

鄖西縣 養濟院在西門內清乾隆十一年災十二年知縣狄蘭

谷臧茂生三十九年知縣張道南先後重修道光十九年添建額

養孤貧二十五名共銀五十二兩五錢縣志

保康縣 養濟院在東門外額養孤貧八名共銀十六兩八錢

施粥廠設文昌宮清同治九年知縣史致謨邑州同孫桐捐田收

租每年冬夏施濟極貧縣志

荆門州 養濟院在西門外來龍橋北清乾隆十年知州舒成龍

重修額養孤貧名數銀數州志失載 育嬰堂舊在南臺久圯乾

隆十五年知州舒成龍移建棗園街 興善堂在沙洋倉廩東徧

樂善堂在後港城隍廟傍 同善堂在城內 益善堂在拾迴

橋 滋善堂在五里鋪 積善堂在蕭家橋 崇善堂在建陽驛

敦善堂在馬良口以上八堂俱同治閒署知州王庭楨建自為

記勒石 義塚在城南東山坡及沙洋鎮後港鎮三處者知州王

佳士設在北門外及拾迴橋東沙洋北者知州張鎮捐置州志采訪冊

當陽縣 育嬰堂在東門內清雍正十三年知縣全沆建今圯

養濟院在東門外乾隆二十四年知縣苗肇岱重建額養孤貧九

名共銀十八兩九錢 義塚五所一河溶鎮一清溪河一魚兒總

一譚家岡一城西縣志

遠安縣 養濟院向在新城東門外今在南門外額養孤貧九名

共銀十八兩九錢 義塚在三孔橋縣志

江陵縣 育嬰堂在縣治南順城街雍正十三年知縣汪歛建乾

志四十九

經政七 善舉



隆二十一年知縣李豫捐俸重修五十三年水圯知縣楊界籌修

縣丞劉振鐸等捐置田畝嗣邑紳鄭若璜等募銀四千兩有奇稟

縣別置民立育嬰堂在孝義街後因歲歉嬰多暫停道光二十一

年道府縣議將官民合為一堂官堂遂廢 養濟院在城東公安

門外今設安瀾門內北隅孤貧原額十四名每名二兩一錢共銀

二十九兩四錢道光六年知府王鳳翰率屬籌捐飭縣查明城鄉

孤貧男婦共一百名按口發銀三錢咸豐七年知府祿勳增給十

名由內署每月捐銀三兩著為例同治元年知府蔣盛罰灘匪

銀八百兩發典生息復增四十名巡道張建基又增一百五十名

於宜昌鹽務每月提錢六十串按口發給四百文六年署巡道何

元普因鹽務改章議歸道府縣每月各捐錢二十串仍由府並放

施棺所原在舊城隍廟舊係府中關暨北關東關每月捐錢交

僧施給後知府倪文蔚始竝入育嬰堂責成首士經理 濟生堂
同治九年邑人募設於賓興街光緒初巡道孫家穀撥款五百金
四年知府倪文蔚移設於縣治西文昌宮 濟眾堂在沙市咸豐
八年本處紳商馬超萬等稟巡道諭十三幫公置 救生局在沙
市康家橋江隄畔光緒二年知府倪文蔚建 清節堂在縣治西
光緒二年知府倪文蔚建 棲流所一在南紀門外城南隅光緒
三年知府倪文蔚建一在便河橋西旅寄園左側四年江陵知縣
柳正笏建一在古月隄泰山廟光緒三年知府倪文蔚建 乞匄
醫院在青龍觀光緒三十四年紳商公建病則住院醫治置有茶
飯被席歿則給柩掩埋 八旗義地在東隄南紀門北首成都將
軍魁玉捐置 鑲黃旗義地在得勝門外鳳凰臺杉木河華顏臺
正黃旗義地在安瀾門外龍山寺戴家灣德勝門外杉木河

志四十九

經政七 善舉

善

正白旗義地在得勝門外杉木河 正紅旗義地在安瀾門外戴
家灣 鑲白旗義地在公安門外鳳凰臺 鑲紅旗義地在安瀾
門外孟家集 正藍旗義地在得勝門外杉木河麥家塘等處
鑲藍旗義地在南紀門外 清節堂義地在西門外 義塚在公
安門外者十東門外一小北門外四散在各處者三十六乾隆五
十三年知府張方理捐置西關外張家山田八畝又於御路口隄
內葺草房百六十間以棲窮黎 張方理記乾隆五十有四年春二
月將有事於荆州城垣乃先期相
視郭以內自駐防城界牆北至鬆甲山又自北而西至餘烈山又
自西而南至卸甲山山以東有豕纍纍然以數百計鬆甲餘烈卸
甲皆非山也城闔餘壘地勢稍隆起土人因建關忠義廟其上遂
謂之山而窮民之無告者或於其旁負土葬焉漫不知其始日月
既久浸以益多有司亦莫之禁也已又周歷城外東至鎮流北至
遠安六門城隅但有隙壤皆爲土封相望如坡陀士大夫一出郭
門卽行墟墓間習慣爲常曾無有以爲非計者予惟古之擇葬地
者期於異日不爲城郭矧荆州自置郡以來世爲大府而城內外
積冢芬如吉凶同域實爲目所創見且大工一興梓草杷土勢不
能不發掘殘骨狼籍遺骸迷失其慘殆不忍言以予守土於茲顧

漠漠焉任其固然而莫為之所甚非所以還定安集稱上德意也於是廣為告諭令其親屬自為遷厝而閱月逾時應是令者不及十之一其餘則僉以無主告子為之棲槍傷懷乃置地入畝於西門外張家山高敞幽僻水滂所不及者以為漏澤園官為遷葬之其雖有親屬而無地安居者聽其題署姓名以為識別或舊棺已壞則又豫備木匣若干具裹以木棉封以厚楮雖已枯之骨不令其相揉雜焉計自城內遷者三百四十有五有主名者六自城外遷者一千二百五十有七有主名者八十有九七月十六日始事九月初十日訖工自是幽魂旅櫬均得所依歸而城郭周遭為之一淨既以其事始末詳之大府而又勒石於茲以諗夫後之人

鶴渚漏澤園道光閒募置

鄭若璜有記
縣志 采訪冊

公安縣 育嬰堂在舊城內清乾隆四年知縣方純儒捐俸修

養濟院在舊城內乾隆四年知縣方純儒捐俸建原額孤貧男婦五名共銀一十兩五錢 義地一在舊縣東關外箭道東典史戴士閔捐置一在舊縣北關外王家橋康熙五十九年知府楊之駢捐置一在申津渡嘉慶六年林芳捐置一在申津渡後二十年王明遠捐置一在牌樓岡道光十四年典史汪翰垣捐置一在趙家

志四十九

經政七 善舉

五

灣理問王述濤捐置一在同興廠西龍巨源捐置一在斑竹墻東熊姓捐置一在章莊鋪道光十二年雷俊章捐置一在赴陂里胡家廠咸豐時咸寧人祝享壽邑人鄒彤中募置

縣志

石首縣 育嬰堂在縣治東清雍正十三年知縣張垣建 養濟

院舊在城北門內久廢康熙八年知縣衛允嘉就故址復建雍正五年傾十三年知縣張垣捐俸重建額養孤貧五名共銀十兩五錢 漏澤園明季在小南門外半頭隄大港口地濱江塌卸清康熙九年知縣衛允嘉捐置東門外龍蓋山旁又有二處一在縣南吳林岡明檢討九江府鄭宗載捐一在龍蓋山前明副使李某捐置 調絃漏澤園在楊林湖西岸

縣志

監利縣 育嬰堂在十字街即舊普濟堂地清雍正十三年建道光十一年知縣唐樹義改建 養濟院在五顯廟內額養孤貧六

名共銀十二兩六錢 義地一在東門外明萬曆元年置一在太馬院清順治六年知縣蘭完璜捐置一在西門外黑神廟後凡三段道光十二年知縣唐樹義置一在東門外求子庵前同治二年知縣陳祖心捐置縣志 案嘉慶志載義塚二所在黃公等院又俱在南門外 居民雷象宇捐地二分張承家捐地一畝五分

松滋縣 育嬰堂舊在磨盤市西劍峰山清同治二年耆民譚國

明捐田由縣詳府立案今移縣城內黃燮清育嬰堂記略譚國明且八十有三夫婦皆上壽而勇於為善雖傾囊弗恤焉叟無子撫嗣孫先瀛既成立乃盡除其養老之產水田十石四斗值可四千

金將捨於磨市同善堂倡育嬰之舉與邑紳士來謁並請為文勒石垂久遠子既善其善延之坐而問焉叟慨然而歎曰水旱頻年窮黎困苦自活為難育嬰不舉赤子墮地無罪而就死者老人聞而惻焉今以垂死無用之產為初生續命之資是老人之生年有盡而赤子之生機正無窮也且老人年八旬餘見世之積產貽子孫者多矣或數年而產已易姓矣或數十年而產已易數姓矣非貽謀之不臧也子孫席祖父之業往往習為宴安淫逸不旋踵而致傾覆是利之實以禍之也夫留吾產以禍子孫固不若去吾產

志四十九

經政七 善舉

美

以利子孫且得以利他人之子孫也老人行將就木大懼遺產之就盡而初願之未遂故志在速成及吾身而親見之也叟之言如是真有道哉叟未嘗學問產僅中人之家又無人激勵而獎勸之乃其善念所動視數千金若塵土易言坤為吝嗇而叟夫婦一心同歸於善以之風世勵俗或有聞而興感者乎是又人心厚薄之轉機而不第呱呱者之飲哺德澤已也故述其言而為之記

同善堂在磨盤市 養濟院久廢道光二十三年邑人趙運炳

王光烈楊榮易昌械李其泰等捐建原額孤貧五名每名給銀二

兩一錢共銀十兩五錢道光九年知府裕謙增設額外孤貧四十

名捐銀一千兩發典生息每月息銀十二兩繳縣支發每名每月

三錢 白骨塔在下十都離城百二十里明季亂後屍骨徧野邑

人蘇正寬捐棺瘞之 義地一在劍峰山下羅家坡一在邏堂邑

人黃士瀛捐一在南門外共三處縣志

枝江縣 育嬰堂在縣前西街清雍正十三年知縣慕大生捐置

同治四年知縣查子庚重建 敦本堂在文昌宮右士民公置田

產收租邑人楊有容子庠生開培先後捐產助之 福嬰堂施種牛痘同治五年查子庚捐建 樂善堂在董市同治十三年邑人鄒秉哲楊利行等捐建 養濟院在沙陀市去縣二里雍正十三年知縣慕大生建同治五年知縣查子庚重修原額五名共銀十兩五錢 漏澤園一在縣南三里白船廟右明巡道周買置並史學魚所施一在董灘口廟港清巡按聶玠買置一在江口後木魚山下康熙五十一年耆民吳天璧捐一在縣南二里土橋旁乾隆四年邑民薛子和等捐一在江口後孫家湖北岸乾隆五年知縣王世爵因市濱江通楚蜀驛道客死溺死者苦無厝地特詳請設立一在上百里洲尤家臺北監生尤傑同弟尤泉置一在沙陀寺嘉慶二十二年江南太平縣民王明耀捐置一在澌洲南居民彭延廷捐置

縣志

志四十九

經政七 善舉

七

宜都縣 育嬰堂在同善堂後清同治九年知縣張景星暨士民修建 同善堂舊在試院左道光閒知府裕泰捐銀行息咸豐七年邑人募置田產十年知縣徐有年建堂同治三年知縣崔培元復按月捐廉濟之邑監生吳光耀及浙紹會館並捐田伙助十年知縣張景星籌建房屋未竣光緒元年知縣傅文炳改建 養濟院在南關外原額孤貧十一名共銀二十三兩一錢知府裕謙發銀五百兩生息收養額外孤貧二十名又歷任知縣捐廉收養孤貧七名又知縣易光蓮於罰款內撥錢四百串生息收養孤貧二十名總共七十八名 義地一在縣南明星嶺官道西一在縣東門外半里

縣志 案嘉慶志載義塚二所俱在白鶴山

東湖縣 養濟院在南門外城濠上額養孤貧十二名每名二兩一錢共銀二十五兩二錢 育嬰堂在東門外鐘頭街清乾隆二

十七年知縣林有席詳請動支典商公捐生息銀建久廢同治二年知縣金大鏞劉浚倡捐改建在城內大十字街 公善堂在鎮署西轅前咸豐八年公建 培元堂在北門內公建 善緣堂邑人王德芬等因人取附郭墓土和煤募捐建於邑東南北界置買閒田以備取土竝稟官示禁 水龍公局在北門咸豐九年鹽釐二局委員稟請捐置署知縣劉浚復勸捐置 棲流所在郡東關外同治元年十二月知縣金大鏞立 白骨塔二座一在東關外距城里許大路傍一在西壩古城皆咸豐七年建 義塚一所坐落東關外十字嶺

采訪冊

歸州 養濟院在北門外今存舊址額養孤貧八名共銀十六兩八錢 漏澤園在城東卡子溝新灘何家灣東門頭洩灘煙墩溝等處 義塚五所一老關廟一大悲寺一叱溪塘一何家灣一北

志四十九

經政七 善舉

五

關外

州志

長陽縣 普濟堂額養孤貧五名共銀十兩五錢 義塚一所坐落東門外

縣志

興山縣 養濟院在西關外久廢舊額孤貧九名共銀十八兩九錢同治三年知縣伍繼勛捐廣二名 育嬰堂在南關內久廢 公善堂在文昌宮清咸豐二年公建 義塚七處一黃漣坪一屈家鋪一羅經山一南陽河一平邑口一響灘一游家河 放生池在白衣庵前咸豐三年知縣黃德薰建

縣志

巴東縣 養濟院舊在城隍廟西知縣盛杲建後移城東觀音寺之左今廢基存額養孤貧四名共銀八兩四錢 義塚一在城北岸平陽壩一在治西南一百八十里野山關半里許一在江北黃

臘石灣

縣志

長樂縣 普濟堂額設孤貧八名每名銀二兩五錢二分共銀二十兩一錢六分 義塚四處一東石廠坡一南泉潭城一西沙洲壩一北牛項頸縣志

鶴峰直隸廳 孤貧院原建西門外大街清乾隆四十年移山川壇之左額養八名每名銀二兩五錢二分共銀二十兩一錢六分

義塚八處一長灣一百順橋一胡家灣一沙子壩一滿山紅一唐家渡一古老洞一烏陽關舊州志采訪冊

恩施縣 育嬰堂在捕署左側清同治七年知府張觀鈞籌款置知府周慶榕創興六文會以濟其乏 普濟堂額養孤貧八名每名銀二兩五錢二分共銀二十兩一錢六分縣志

宣恩縣 普濟堂額設孤貧八名每名給口糧花布銀二兩五錢二分共銀二十兩一錢六分 孤貧院在迎恩廳後邑紳宋宏垣

志四十九

經政七 善舉

堯

增設左右房屋男女異居 百福堡義地邑紳宋宏垣捐縣志案嘉慶

志作白虎堡

來鳳縣 養濟院在西門外乾隆十八年建額養孤貧八名每名口糧花布銀二兩五錢二分共銀二十兩一錢六分 見義堂嘉慶六年何文龍等倡建同治八年知縣尹文翰捐廉重設 義地

一在縣東五里許麥地隄一在縣南五里許絲栗坪俱乾隆元年

置悌恭忠崇信茂三里各一區乾隆二十年置縣志

咸豐縣 普濟堂額養孤貧八名每名給口糧花布銀二兩五錢二分共銀二十兩一錢六分縣志

利川縣 普濟堂額養孤貧八名每名給口糧花布銀二兩五錢二分共銀二十兩一錢六分 育嬰堂四一在城隍廟一在忠路

城隍廟一在南坪關帝廟一在建南三聖宮光緒十八年知縣黃

世崇建縣志

建始縣 普濟堂額養孤貧八名每名給口糧花布銀二兩五錢二分共銀二十兩一錢六分縣志

志四十九

經政七 善舉

卒

經政志七